

१३६

दर्ता नं.: ४८/२०७६/७७

पुखां दयक तकागु सम्पत्ति, भीगु कला व संस्कृति  
पिकाक-भक्तपुर नगरपालिका



पुखां दयक तकागु सम्पत्ति, भीगु कला व संस्कृति

# खबर समाचार

नेपाल संवत् १९४४ तश्छलागा / २०८१ असार १५ / 2024 June / ल्या: ११०, दाँड़े ६



भक्तपुर नगरपालिका

## सोहो नगरसभा

उद्घाटन समारोह

२०८१ असार १० शुक्रवार

भक्तपुर नगरपालिका



## खप नगरपालिकाया

# हिखुक्गु नगरसभा उलेज्या

चिनियाँ जन राजनैतिक परामर्श राष्ट्रिय सम्मेलनया न्वकु पार्थअरया  
न्ह्यलुवाय् भःपुं पुचःता लसकुस (२०८१ असार २ गते)



चिनियाँ सर्वोच्च अदालतया माननीय न्यायाधिश लिउ ख्वपय्  
(२०८१ असार ४ गते)



# Dkfbslo

©) \*! C; f/ !%, C^\$ !#^, jiR^

## સ્થાનીય તહ્યા અધિકાર શિક્ષા મન્ત્રાલયં વ્યવસ્થાપન મિલયમજુ

નેપણા સંવિધાન હિન્દ્યા તરિણિ તકયા ફુકુક અધિકાર સ્થાનીય તહ્યા બ્યુગુ દાં। અલય થી થી ત્વહ: તયો સંઘ સરકારં જિલ્લા વિકાસ વ સમન્વય એકાઇ દય્ક: સાચિક જિલ્લા શિક્ષા કાર્યાલયયા જ્યા યાતા હે મદિક ન્હ્યાક વયો ચ્વંગુ દાં। હાલ સંસદય વિચારાધિન શિક્ષા વિધેયક્ય જિલ્લા શિક્ષા કાર્યાલય હકનાં તયુગુ પ્રસ્તાવ સરકારં સંવિધાન વ કાનુંન બ્યુગુ અધિકાર લાક: કાય્ગુ કૃત: યાગુ બાંલાક સિય દાં।

સ્થાનીય તહ્યા બલ્લાક: સંધીયતા છ્યલયુગુ થૈયા આવશ્યકતા ખાં। જનતાતય્તા ફક્વ મથાં સેવા વિયતા છસિકાથં સ્થાનીય તહ્યા અધિકારં જાય્ક: યંકય્ મઃગુ ખાં।

શિક્ષા મન્ત્રાલયં શિક્ષક સર્વા સમ્બન્ધી નિર્દેશિકા ૨૦૮૧ જારી યાડાં: દેશાદેછિયા સ્થાનીય તહ્યા થવનાં હાઁ છ્યલ વયો ચ્વંગુ અધિકારતા કંકું ક્યંક: કાલ। ૨૦૮૧ જેઠ્ય સ્વીકૃત જૂગુ ઉગુ નિર્દેશિકાં શિક્ષક સર્વા અઃપુક્યુગુ નામય કાથં માંછિંગુ અવસ્થા હજ્યાક બિલા। થવનાંહાઁ ન્હ્યામ્હાન શિક્ષકપું જિલ્લાન્તર સર્વાયા લાગિ સ્વાપુ દાંગુ નેગુ પાલિકાયા થાં: વં થાં: યા સહમતી વ વિદ્યાલય બ્યવસ્થાપન સમિતિયા નિપં યા લિધંસાય જુડ્ગુ ખાં। અલય અઃ નકતિની જારી યાગુ નિર્દેશિકાયા પરિચ્છેદ ૨ યા દફા ૩ નાં. શિક્ષક સર્વા યાયુગુ જ્યા મઃ કાથં સમન્વય વ અઃ પુક્યા શિક્ષક બ્યવસ્થાપન સ્વદ્ગુ કેન્દ્રયા ઉપ મમહાનિર્દેશન સંયોજક મન્ત્રાલયયા વિદ્યાલય શિક્ષા શાખા પ્રમુખ વ શિક્ષક બ્યવસ્થાપન સમન્વય શાખા કેન્દ્રયા નિર્દેશક દુજાં: ચ્વનિગુ બ્યવસ્થા યાત।

થવનાં ન્હ્યા શિક્ષક, કાર્યાલય સહયોગી સર્વા બદ્દુવા યાય્તા નાં સિહદરવારય વાનયમઃગુ ભફ્ઝભટ જૂગુલીં હે દેશય સંધીયતા યા ખાઁ ન્હિથાંગુ ખાં। નિર્વાચનય ગાં ગામય સિહદરવારયા ખાઁ જૂગુ ખાં। અલય શાસક દલ તયસં છસિકાથં સ્થાનીય તહ્યા અધિકાર બ્યુ બ્યુ યંકયુગુયા પલિ દાંગુ અધિકારનપાં લુટેયાડાં: યંક ચ્વંગુ પ્રતિગામી પલા ખાં।

અજ નિર્દેશિકાયા પરિચ્છેદ ૫ દફા ૧૫ ખય ચ્વયો તઃગુ ખાઁ ભફન હે ગ્યાપુગુ ખાં। થુગુ દફા સં શિક્ષકયા હદાયતયુગુ ખાઁ ક્વ છિયગુ શર્તત ન્હિથાડાં: તઃગુ દાં। ગુકિં ન્હ્યાંગુ અઃ જ્યાસાડાં: ચ્વંગુ બ્વનય્કુથિયા સ્વાપુ દાંગુ તહલય દકલય અપ્વ: સ્થાયી જુયો જ્યા સાંગુ, વ મર્સા અઃ યા તહલય દકલય અપ: સેવા યાગુ, વ નાં મર્સા ક્વ: છિડાં: તઃગુ ન્યૂનતમ શૈક્ષિક યોગ્યતા સ્વયો ચ્વયયા તહ્યા શૈક્ષિક યોગ્યતાયા પ્રાપ્તાદ્કયા લિધંસાય વા વ નાં મર્સા ગોલા પ્રથા યાડાં: યાયુગુ બ્યવસ્થા દાં।

નિર્દેશિકાયા ઉગુ પ્રાવધાન ઘરપાયક સર્વા જુયગુ મતિ દાંપું શિક્ષકપિન્તા પંગાં: તયો બ્યુગુ દાંસા પાલિકાતયસં થાં: થાં: ગુ શિક્ષા એન દય્ક: બ્વનય્કુથ ચાય્ક: વયો ચ્વંગુલી યોગ્ય શિક્ષકપું સર્વા યાડાં: બ્વનય્કુથ બાંલાકયુગુ અભિયાનયા તાકી થુડાં: બ્યુગુ થેં જુલ। ન્હું સંવિધાનનપાં સ્થાનીય નિર્વાચન લિપા ત્યાક: વપું પદાધિકારીપિસં વિદ્યાલય શિક્ષા બાંલાક્યતા અપલં મેહનત યાગુ દાં। સરકારી શિક્ષાખય છું ભાતિ જૂસાં ધિં ધિં બલ્લાયા ભાવના બ્વલાંકગુ ખાં।

અભ વિદ્યાલય પદ ખાલી જૂગુ સંજ્વાર માધ્યમય તયમઃગુ થજગુ બુંદાખં ન્હુંગુ નિયુત્તિ કાયો જિલ્લાન્તાર વાંપું શિક્ષકત સર્વાયા લાગિં તસ્કં થાકુડ્ગુ ખાનય દાં। થઃગુ પાલિકા દુન્યાં ગજગુ શૈક્ષિક સ્થિતિ દય્કેગુ ધાયુગુ પાલિકાં સ્વદ્ગુ ખાં। તલબ પાલિકાં નકિગુ અલય પાનયમઃગુ સિહદરવારાં યાદ્ગુ જૂસા ઉકિં શિક્ષા હજ્યાક યંકય્ ફેમખુ। છું શિક્ષક સર્વા જુયો વયયા સિહદરવારય ચાકડી યો વાનય માલિગુ અવસ્થા પુલાંગુ પહ: હે ખાં। કેન્દ્રે લાહાતય મ્હુ છિડાં: તયુગુ કૃત: ખાં। થવ લ્યંથાડાં: મછ્વસે મગા।

પિકાક-ખ્વપ નગરપાલિકા/સમ્પાદક-આશાકુમાર ચિકંબજાર, ડેસ્કટપ-ધન લક્ષ્મી ત્યાત, આવરણ સજ્જા-રેણ ધવજુ  
થાકૂ- ભત્કુપુર અફસેટ પ્રિન્ટર્સ ફોન લ્યા: ૦૧-૬૬૧૩૦૪૩, ઇ-મેલ- khwopapau@gmail.com

## का.रोहितया चीन भ्रमण

- नारायणमान बिजुक्त्तें



निनय पाख्य जिपुं बजार चाहयवाडा। रेशमी किपात, काप पसलय व क्युरियो पसलय वाडा। पसलय तस्कं मिहिन व कलात्मक वस्तुत स्वया। श्री खण्डया कलां जःगु चिच्या चिच्याहांगु पड़खात, चुरोट बद्दात तस्कं बाला। पड़खा चाय्के वं हे श्री खण्डया मगमग बास वडगु। पसलय फुक्क सामानया मू क्वः छिड च्चयो तःगु दः।

फुक्क थासय्या ताजि ताजिगु पसलय वाडा। पसलय न्हयाक्व हे हुल जूसां माल सामान न्याय्या व स्वयता जिमिता गनां मछिं मजु। फुक्क थासय जिमिता तस्कं बालाक व्यवहार याता। मेमेगु पूँजीवादी बजारय थे ठग्य याइगु हाड्ग चाऊलय जक मखु चीनया छुं नं थासय मखाडा।

निनयसिया ३:०० ताइलय जिपुं हाड्ग चाउया ७ नं या हाड्गचाउ मिडिल ब्वनय्कुथि स्वः वाडा।

मोटरय खापा चालयं स्कूलय प्रिन्सिपल वाँ हो-ली जुं लाहापा स्वाडः लसकुस याडः दिल। जिमिता स्कूलय बैठक (पाहाँ याइगु थासय) क्वथाय यंकला। बैठक्य ताहाकगु टेबुल छागः दः। टेबुलया चाकली १३/१४ गू ति मेचत तयो तःगु दः। तगवगु टेबुलया छगू कुलामय डेक्स व नेगूप्यांगु मेचत अलय दराज छगः दः। आंगलय अध्यक्ष माओ व मेमेपु चिनियाँ नेतातय्गु

किपा यखायो तःगु दः। अलय जवं खवंया आंगलय थुगु ब्वनय्कुथि थीथी लागाय् त्याक्त हःगु सिरपात व दसिपैत यखायो तःगु दः।

टेबुलया न्हपांगु इवलय जिपुं डाम्हा विदेशीत, जि, रत्ना व मेपुं स्वम्हा भारतीय पासापुं नपां भाय हिलामि मि.ली व हाड्ग चाऊ विद्यार्थी फेडेरेशनया प्यम्हापासापुं दः। टेबुलया मेदख्य प्रिन्सिपल वाँ हो-ली, मेपुं शिक्षकपुं व स्कूल युनियनया ३४म्हा ब्वनामि पासापुं दः। प्रिन्सिपल वाँह ली जुं दकलय न्हःपां नेपाल व भारतया ब्वनामिपिन्ता ब्वनय्कुथि लसकुस याय खांगुलिं लय्ता प्वंकः दिल। थःगु लसकुस न्वचुख्य वयकलं एशियाई एकता व विश्व शान्तिख्य बःयाडः दिल। वनलिं वयकलं थःगु ब्वनय्कुथिया म्हासिइका पिल्लयो दिल। थुगु स्कूलया नां नं ७ हाड्गचाऊ मिडिल स्कूल खः। थुकिया ६० दाँया इतिहास दः। थुगु ब्वनय्कुथि मुक्क १४७० म्हा ब्वनामिपुं ब्वनि। उकिमध्ये ८०६ म्हा ब्वनामिपुं ज्यापु ज्यामिया परिवारं हे वपुं खः। ब्वनय्कुथि ३० क्व क्वथात दः अलय खुइम्हा ब्वंकिपुं मास्तरत दः।

प्रिन्सिपल वाँ हो लीं थुगु ब्वनय्कुथिया इतिहास काँ कां धायोदिल - थुगु ब्वनय्कुथि न्हपा जमिन्दार व पूँजीपतितय मचात जक आखः ब्वनय दै। थुगु ब्वनय्कुथि धात्ये धाय्गु खःसा अमिगु लागि जक हे चायकगु खः। अलय सन १९४९ या क्रान्तिलिपा थुगु ब्वनय्कुथि मेमेगु वर्गया मचात नं ब्वनय दत। १९५८ निसें थुगु ब्वनय्कुथि तस्कं बालाकः हज्याक यंकल। क्रान्ति हाँ थुगु ब्वनय्कुथिया शिक्षा व्यवस्था अव्यवहारिक व विदेशी पहः याय्गु खः गुगु व्यवस्था तस्कं मिलय मज्गु खः। अजगु शिक्षा व्यवस्थाय ब्वनामिपिसं थःगु ज्ञान व विद्या छ्यलय फै मखु। नपां ब्वनामिपुं अपलं पास नं याय फै मखु। क्रान्ति लिपा न्हँगु जनवादी - सरकारं प्रतिक्रियावादी

शिक्षा व्यवस्था हिनः देशता ल्वःगु व्यवहारिक न्हँगु शिक्षा नीति लागु याता। उगु न्हँगु शिक्षा नीति काथं थुगु ब्वनय कुथि नं १९५८ निसें हे शिक्षा उत्पादक श्रम नपां स्वायमः धाय्गु सिद्धात्त काथं थुगु ब्वनय्कुथि न्या न्याय्केगु ज्यासः मेमेगु मेसिनरी व शिल्पकलाया व्यवसाय स्यनिगु ज्यायाकिगु कार्यशाला (ज्यासः) व बुँज्या नं याकिगु व्यवस्था नं दः। ज्यासलय न्या न्याय्किगु, स्वाइगु, व मेगु चिच्या चिच्याहांगु कलपूर्जात दयके बिई। ब्वनय्कुथिया ३० माऊ बुई आलु, तरकारी व सिसाफल पिडः तःगु दः। फाँ, साँ लहियगु पशुपालन ज्याख्य नं थुगु ब्वनय्कुथिया कृषिया मेमेगु लागा नं हज्याकगु दः। ब्वनामिपिसं ब्वनय्गु नपां नपां वहे विषयया व्यवहारिक ज्याख्य नं ब्वति काई। च्चयया तगिंया ब्वनामिपिसं न्हिं च्याघौया ल्याखं बुई, कारखाना व ज्यासलय ज्या सानी अलय क्वयया तगिंया ब्वनामिपिसं ६ घौ ज्या सानी। ब्वनामिपिसं 'लामो कुदाई' ख्य नं ब्वतिकाला। साम्राज्यवादीतय्गु हाँकता स्वीकार याय्गु, हमला याइपिन्ता बुक्यता ब्वनय्कुथिया छम्हा छम्हा ब्वनामिपिसं 'लामो कुदाई' 'जनकम्युन' व 'आम दिशा' ता बालाक समर्थन याई। न्हँगु शिक्षा नीतिं याडः ब्वनय्कुथिया ब्वनामि पिन्के सामुहिक जीवन व जनताया धनता माया याय्गु भावना ब्वलाडः वल।

जलाखाला अलय लायं वपुं विरामीपिन्ता छूं अलय अस्पतालय थंक बियगु थवं थवय ग्वाहाली याय्गु भावना ब्वनामिपिन्के जाएो वल। ब्वनय्कुथिया ई सिइय्कः ब्वनामिपुं थमनं स्यकागु ज्ञान रिसर्च (अन्वेषण) याय्गु थजगु गम्भीर अध्ययन, ल्या (गणित) ख्य बालागु नम्बर हय्गु, बायोलोजिकल (जीवविज्ञान) पुचः दय्कः पुचः ज्या व अध्ययन थजगु ज्याख्य व्यस्त जुयो च्चंगु दः।

## ख्वप नगरपालिकाया आ.व. २०८१/८२ या नीति व ज्या भवः

नेप: या संविधान काथं स्थानीय तह निर्वाचन २०७९ सं निर्वाचनं त्याक: वयानि ज्या साडागु नेदा फुडः स्वदाख्य ज्या साडः च्वडा। जिमिसं नेकगु कार्यकालया स्वंग्रु दैं या नीति व ज्या इवः पिढवयो च्वडा। ख्वप दे या चाकलीं विकास याय् ता नगरपालिकाया छगु छगु ज्याख्य नगरवासीपिनिगु न्ह्याब्लें साथ व रवाहाली दयो वयो च्वंगु दः। नगरया विकासया लागिं न्ह्पा निसें अः तक थी थी लागां खानय् दय्क व मदय्क रवाहाली याडः च्वंपु सकल ख्वपया दाजुकिजा तता केहैपिन्ता ख्वप नगरपालिका पाखं दुनुगलं निसें सुभाय देछायो च्वडा।

‘पूर्खा दय्क तकगु सम्पति भीगु कला व संस्कृति’ या नारा पू वांक्यता ख्वप देता ज्ञान विज्ञानया मू थाय् याय् ता, अलय ख्वप देता पर्यटकपुं छक मवसें मगागु गन्तब्य स्थल दय्केता, भी न्ह्यलुवापिसं खांग म्हागास पूवांक्यता जिपुं जनप्रतिनिधिपुं मदिक्क हज्याडः च्वडा। नगरपालिकाय् दःगु म्हवचा स्रोत व साधनत अपलं छ्यलः नगरया शिक्षा, स्वास्थ्य उपचार, कला-संस्कृति व सम्पदा ल्यंकः म्वाकः तय् गु, सुचुकुचु व विकस निर्माणया ज्या याडः वयो च्वडागु दः।

नेपाल मजदुर किसान पार्टिया हानय बहम्हा नायो भाजु नारायणमान बिजुक्छैं (रोहित) जूं च्वयो द्यूगु ‘सच्छिदा लिपाया ख्वप दे’ साफूया लिधासाय ज्या न्ह्याकः च्वडा। थौं ख्वप दे देशं पिनय्या पर्यटकपिनिगु ल्व वानापुसे च्वंगु थाय् जुजुं वगु दः। ख्वप देता अजनं हज्याक्यता जिमिसं अजनं यक्व हे ज्या याय् ल्यं दः नि। संविधान व कानुनं ब्यूगु अधिकारय् दुनय् च्वडः जिमिसं ख्वपया जनताता भिं जुइगु ज्या याडः वयो च्वडा।

नाचगानया राजधानी, म्वाडः च्वंगु संग्रहालय व सांस्कृतिक नगरी काथं नां जःगू ख्वप देता अजनं च्व जाय्केता जनतात नपां मदिक्क छलफल याडः जिमिसं जिम्मा कुबियो ज्या साडः च्वडा। नेपाल मजदुर किसान पार्टी पिढवगु स्थानीय निर्वाचन घोषणापत्र हे जिमिगु ज्या सानय् गु लिधांसा खः। निर्वाचनया इलय् जनतां थःगु अमूल्य मत पाखं जिमिता ब्यूगु विश्वास हे जिमिगु ज्या सानय् गु आत्मवल व शक्ति खः। स्थानीय निर्माणं राष्ट्रिय स्तर याय् गु सेवा वियगु जिमिगु मति खः। जिमिसं वहे भावना ज्वडः ज्या याडः च्वडा। निर्वाचन घोषणापत्रपाखं जनताता वियागु वचं जिमिसं छगु छगु यायां पूवांकः च्वडा। नेप: या संविधानं व्यवस्था याडः तः काथंया स्वंगु सरकारमध्ये स्थानीय तह जनताया दकलय् हःनयया सरकार खः। स्थानीय तहता जनतां पूरा विश्वास नं याडः वयो च्वंगु दः। जनताया आशा व इच्छा काथं ज्या सानय् ता स्थानीय सरकारता अधिकारं जायके मः। स्थानीय तह बल्लासाजक जनतां मथां सेवा काय् फै। संघीयताया मू तातूना दे अधिकार बिकेन्द्रीकरण याडः सिंहदरबारय् लिकुंकः तःगु अधिकारता स्थानीय तहलय् तक थ्यंक्यू खः। अथेन संघ व प्रदेशया ज्या पा धःसा बिस्कं खानय् दः। संविधानया भावना व मतिया अखः स्थानीय तहता कानुनं ब्यूगु अधिकार नपां संघ प्रदेश सरकारतय् सं छगु छगु याडः लाक काय् गु कुतः याडः च्वंगु दः। थव संघ व प्रदेश सरकारय् च्वडः च्वंपु शासक दल तय् गु एकात्मक सोच या लिच्चवः खः।

संविधानं मा.वि. तगिं तकया शिक्षाया फुक्क अधिकार स्थानीय तहता ब्यूगुली जिल्ला शिक्षा समन्वय इकाई दय्कः

नगर प्रमुख सुनिल प्रजापति



सङ्घं बिस्कं ज्या यागु अलय् संसदय विचाराधीन शिक्षा विधेयक्य जिल्ला शिक्षा कार्यालय त्यगु प्रावधान दयकगु थुकिया दसु खः। संघ व प्रदेशं स्थानीय तहता थःगु हे कचा थें व्यवहार यागु, नेगू प्यांगू लाखया चिच्याहांगु योजनात नपां संघ व प्रदेशया बजेटय् दुथ्याकगु, समानीकरण अनुदान अप्वयके मःगुलि सशर्त अनुदान अप्वयक्यगु, संघीयता व संविधानया मति व भावनाया अखः खः।

संघ व प्रदेश ताईतक संविधानय् दःगु साभा सूचीया अधिकारतयगु खायैं मः काथंया कानून मदय्कगु, पुलांगु ऐनता हे छ्यलः तः गुलिं नं देशां देखिया स्थानीय तहं समस्या फयो च्वंगु दः। स्थानीय तह बालाक ज्या सानय् गु जूसा अमिता मःपुं कर्मचारीत तय् गु अधिकार दय्मः। अः स्थानीय तह: तय् सं प्रदेश लोकसेवां छोयो हःपुं कर्मचारीतयगु भरय् ज्या सानय् ता वाध्य जुयो च्वंगु दः। थुकीं जनप्रतिनिधिपिनिगु भावना काथं जनताया सेवा जुयफैगु खानय् मह। माल धःसा संविधान छुं भाति हिलः जूसां स्थानीय तहता कर्मचारी भर्ना याय् गु अधिकारवियता संघ व प्रदेशसभाया माननीय जूपिनिगु ध्यान साल च्वडा।

नगरपालिकां नेगू इञ्जिनियरिड

## सचिष्ठ स्त्रीखुगृह खप पौ. बःष्टि पौ(पाक्षिक)

कलेज नपां न्हय्गु शैक्षिक संस्थात न्ह्यांकः देशां देखिया जनताया काय् म्हयाय्पिन्ता दाकः, भिंकः, बालाकः शिक्षा बियो च्वंगु दः: सा खप विश्व विद्यालय चाय्केता संसदं विधेयक पारित याक्यता बः याडः वयो च्वंगु द । अथेहे जनताया स्वास्थ्य उपचार अःपुक काय् दैगु काथं छैं छैं नर्सिंड सेवा, १०० गू शय्याया खप अस्पताल चाय्कः, वडा वडाय् स्वास्थ्य केन्द्रत चाय्कः दाकः, भिंगु स्वास्थ्य सेवा ब्यू ब्यू वयो च्वडागु दः ।

नेपःया संविधान काथं खप नगरपालिकां शिक्षा, स्वास्थ्य, उपचार नपां सम्पदा ल्यंकः म्वाकः तय्गु, सुचुकुचु, विकास निर्माण व थीथी लाहातय ज्या दैगु तालिमत न्ह्याकः अपलं जनताता भिं जुझगु काथं समाजवाद उन्मुख ज्या न्ह्याकः वयो च्वंगु दः ।

आ.व. २०८१/द२ या लागिं नीति व ज्या इवः व वजेट दय्केता स्थानीय बुद्धिजीवी, ज्यापु, ज्यामि, मिसात, ल्यासे ल्याम्हो ब्वनामिपुं, शिक्षकपुं वडाव्यागु व नगर व्यागु मुंज्या याडः नगरविकासया लागिं महत्वपूर्ण सुभावत कायागु जुल । अथेहे अनलाइन व मेमेगु पाखं नं वगु सुभावत नपां मुडः वैगु दायँ बिझगु अनुमानित स्रोतता नपां कायो नीति व ज्या इवः पिढवयो च्वडा ।

### (क) शिक्षा

१. संघीय संसदं खप विश्वविद्यालय चाय्केगु विधेयक पारित याक्यता मदिक्कक कुतः याडः च्वनय् नपां विज्ञपिनिगु पुचः दय्कः ‘खप विश्व विद्यालय सञ्चालन तयारी समिति दयकेगु ज्या जुई ।
२. खप नगरपालिकापाखं चाय्क तःगु कलेजय् ब्वनामिपिनिगु माग व ई काथेया स्नातक तगिं व स्नातकोत्तर तगिंखय् न्हूँ न्हूँ विषयत ताडः यंकय्गु ज्या जुई ।

- सिटिइभिटि पाखं सम्बन्धन वगु खप बहुप्राविधिक अध्ययन संस्थानय् रेडियोलोजी, एच ए, फार्मेसी थजगु विषयलय् कक्षा न्ह्याक्यता मः काथं कुतः याई ।
३. खप नगरपालिकापाखं चाय्क तःगु खप इजिनियरिड कलेज व खप कलेज अफ इजिनियरिडया रवसालय् २०८१ साल माघ महिनाय 'भूकम्प इजिनियरिड' विषयलय् राष्ट्रिय सम्मेलन व २०८२ सालय् 'भूकम्प इजिनियरिड' तथा विपद पश्चातया पुनः निर्माण' नां या प्यकगु अन्तर्राष्ट्रिय सम्मेलन रवसः रवय्गु जुई । शिक्षक कर्मचारीपिन्ता च्वय् थयंकया विद्यावारिधि/एमफिल तक खय् बियो वयो च्वंगु प्रोत्साहनता अजनं व्यवस्थित याडः हज्याकः यंकी । अथेहे खप कलेज पाखं नं अन्तर्राष्ट्रिय सम्मेलनया तयारी याई ।
  ४. खप नगरपालिका दुनयया पर्यटन, शिक्षा, स्वास्थ्य, सम्पदा ल्हवनय् कानय् व ल्यंकः म्वाकः तय्गु, सहकारी, कृषि, त्वनय्गु नाः, लक्स, सुचुकुचु थजगु विषयलय अध्ययन अनुसन्धान याइपिन्ता अनुसन्धान वृत्तिया व्यवस्था याई ।
  ५. नगरबासी ब्वनामिपिन्ता इतिहास, भूगोल, संस्कृति, नेपालभाषा, राजनीति शास्त्र, दर्शन शास्त्र, तर्कशास्त्र थजगु विषयलय स्नातकनिसे विद्यावारिधितक फुक्क छात्रवृति व्यू ब्यू वगुलिता मदिक्कक, यंक, च्वनी नपां च्वय थयंक ब्वनिपिन्ता बियो वयो च्वंगु शैक्षिक त्रूण नं बियों तुं वानि ।
  ६. अनुसन्धान व सूचना व्यवस्थापन केन्द्र निःस्वाड उच्च शैक्षिक संस्था नपां अनुसन्धानकर्त्ता नपां मिलय जुयो खप नगरपालिका दुनयया थी थी विषयया बारे अध्ययन अनुसन्धानया व्यवस्था याई ।
  ७. शिक्षाता ज्ञान व सीप नपां स्वाड थी थी काथंया व्यवसायी व लाहातय ज्या दैगु तालिमत न्ह्याकी ।
  ८. सामुदायिक ब्वनयकुथिया शैक्षिक गुणस्तर च्वजायक यंकयता इलय ब्यलय शिक्षकपिन्ता पुनर्ताजगी तालिम बिई । ब्वनामिपिन्के नागरिक भावना ब्वलांक्यता नैतिक व व्यावहारिक शिक्षा ब्वंकय्गु व्यवस्था याई ।
  ९. नेपालभाषाता स्थानीय पाठ्यक्रम पाखं ब्वनयकुथिय ब्वंकय्गु ब्वनय्गु व्यवस्था याय्ता मः काथंया कुतः याई । नेपालभाषा व लिपि नपां मूर्तिकला, किपा च्वज्याकला, प्रस्तर (लोहँज्या) कला, सङ्गीत, प्याखं (नृत्य) या कक्षात छसिकाथं चाय्कः यंकी ।
  १०. ब्वनय् कुथिय ब्वडः च्वंपिन्ता स्थानीय जनजीवन, सम्पदा ल्यंकः म्वाकः तय्गु कासाया ज्या इवः, सङ्गीत साधना थजगु अतिरिक्त क्रियाकलापय् ब्वति काय्गु व्यवस्था याई । नपां इलय ब्यलय हाजिरी जवाफ (न्ह्यसः लिसः कासा), च्वखँ, सांस्कृतिक, (चित्रकला) किपा च्वज्या धिंधिबल्ला, रवसः रवई ।
  ११. स्थानीय पाठ्यक्रम नपां स्वापु दःगु सन्दर्भ सामग्रीत पिथानय्गु ज्या नं याडः च्वनि । ई काथं स्थानीय पाठ्यक्रम ल्हवडः भिंकः यंकी नपां खपया सांस्कृतिक अलय सामाजिक म्हासिइका पिढवइगु सांस्कृतिक संग्रहालय दय्केता मः काथंया व्यवस्था याडः यंकी ।
  १२. ब्वनयकुथिं कःगु लिच्चवःया लिधंसाय् च्वजःम्हा ब्वनामि, च्वजःम्हा शिक्षक व च्वजःगु ब्वनयकुथि ल्ययो प्रोत्साहनया व्यवस्था याई । मा.वि. तरिंया ब्वनयकुथि छसिकाथं गणितया प्रयोगशालाया व्यवस्था यायां यंकी ।
  १३. 'छगू ब्वनयकुथि छगू सम्पदाया सुचुकुचु' या नीतिता स्प्ललाक हज्याक यंकी

## सचिष्ठ स्त्रीखुगृह ख्वप पौ बःष्टि पौ(पाक्षिक)

- नपां ब्वनयकुथि स्काउट टोली दयकः, मदिक्क कासा व सांस्कृतिक प्रशिक्षणया व्यवस्था याई ।
१४. ब्वनयकुथिया गुणस्तर च्वजायकः यंक्यूता 'विद्यालय अनुगमन तथा प्राविधिक सहयोग समिति' पाखं जुयो च्वंगु ज्यात ई काथं लहवडः, भिंकः स्यल्लाक यंकी । समितिया सिफारिसय् ब्वनय् कुथिया भौतिक संरचना दयकेता नं र्वाहाली यायगु नीति काई ।
१५. बाल विकास केन्द्र चायकः न्ह्याक, च्वंगु ब्वनयकुथितया अभः बांलाक यंक्यूता र्वाहाली वियगु नीति काई नपां ब्वनयकुथिया अवस्था स्वयो कक्षा चायकेगु नपां शिशु स्याहार केन्द्र काथं हज्याक यंक्यू अलय् अपाडगता जूपुं ब्वनामिपित्ता प्रोत्साहनया नीति काई ।
१६. ख्वप नगर दुनय चायकः तःगु कलेजय् ब्वडः च्वंपुं ब्वनामिपित्ता थी थी संघ संस्थाय् इन्टर्नसीप आंशिक रोजगारी व कार्यस्थलय हे तालिम (अन द जब ट्रेनिङ) या व्यवस्था याई ।
१७. नगरपालिकापाखं चायकः तःगु जनज्योति साफु कुथि, व ई-लाइब्रेरीता अभ व्यवस्थित याय्ता मःगु साफूत अलय सन्दर्भ स्रोतया व्यवस्था नपां भौतिक सुधार यायां यंकी ।
१८. ईसीडी शिक्षक व विद्यालय कर्मचारी पिनिगु म्हवचा खय्या ज्याला (न्यूनतम पारिश्रमिक) व्वः छिई ।

### (ख) स्त्रास्थ्यः

१९. ख्वप नगरपालिकापाखं चायकः तःगु अस्पतालता थप सुविधां जायकः बांलागु, भिंगू उपचार सेवा बियगु, जनताया अस्पताल काथं हज्याक यंक्यू, उकिया लागिं भौतिक पूर्वाधार दयकः यंक्यू, मःकाथंया जनशक्ति व स्वास्थ्य उपकरणया बन्दोबस्त याई । अस्पतालय सघन उपचार कक्ष

- (आइसियू) सीटी स्क्यान व जनरल सर्जरी पाखय्या शल्यक्रियाखय् ल्याप्रोस्कोपी सेवा न्हिया न्हिथं चायकी । नेपःया सरकारया 'आमा तथा नवजात शिशु कार्यक्रम' लागू याई । गरिब व असहायपित्ता याडः वगु निःशुल्क उपचार सेवा नं मदिक्क न्ह्याकी ।
२०. नगरबासी पिन्ता गुलिफता उलिमथा स्वास्थ्य उपचार सेवा वियता नगरया थीथी थासय् चायकः तःगु आधारभूत स्वास्थ्य केन्द्र, नगर स्वास्थ्य केन्द्र, जनस्वास्थ्य केन्द्रत नपां विशेषज्ञ सेवा हज्याक, ताडः यंकी । वडा नं. ७ व १० य् दाडः च्वंगु स्वास्थ्य केन्द्रत न्ह्याकी ।
२१. सकले नगरबासीपित्ता ख्वप अस्पतालया अक्सिजन प्लान्ट पिकःगु अक्सिजन निःशुल्क बियगु नपां निशुल्क हिबियगु ज्या त्वःमफिइकः याई । १३ दा क्वयया मिसामचातय्ता मचाछ्यांया क्यान्सर विरुद्धया खोप बिई ।
२२. छैं छैं नर्सिड सेवा व श्वास प्रश्वास पुनः स्थापना केन्द्रता अभ बांलाक, यंकी । ख्वप तिलगड्गा आँखा अस्पतालय उपचार सेवा अभ अप्वयक यंकः सुविधां जःगु आँखा अस्पताल काथं हज्याकी ।
२३. दुरुप्व व मचाछ्यांया क्यान्सर मिखा, वाँ, न्हायैं, न्हयैं, घाँटी व मेमेगु ल्वयया वडावडाय् मदिक्क स्वास्थ्य शिविर न्ह्याकी । नागरिक आरोग्य केन्द्र पाखं बियो व्यो च्वंगु सेवाता जनमुखी यायां सेवा अभ हज्याकः यंक्यू ।
- ग) सम्पदा व संस्कृति**
२४. देया मू मरुगु सम्पति काथं अःतक म्वाडः च्वंगु ख्वपया मूर्त व अमूर्त सम्पदात ल्यंकः म्वाकः तय्गु नीति मदिक्क हज्याकी । नगरया थाय् थासय् च्वंगु ऐतिहासिक, सांस्कृतिक, पुरातात्विक महत्व कःघाडः च्वंगु घाटया सुधार नपां ल्यंकः म्वाकः तय्गु ज्या व्यवस्थित काथं हज्याई ।
२५. दाडः च्वंगु लक्ष्मी नरसिंह देगः, हाडा छैं, छुम, गणेशोया द्यो छैं, इन्द्रायणी द्योछैं जायकेता मः काथंया बजेट छख्य लिइकी । लाय्कुलीच्वंगु थन्थुदरबार, इखालाछी मथ, लाय्कु पाहाँ छैं भीगु थःगु मौलिक पहलं दानी ।
२६. ख्वपया मौलिकता ल्यंकः तय्ता परम्परागत छैं दानीपुं छैं थुव तय्ता अपा, सिं, पोल्हैं अपाया लागिं व्यूव्यूं वगु अनुदान मदिक बिई ।
२७. कला संग्रहालय तयो तःगु न्ह्यक इयो दरवार दानयगु ज्या हछयाय् मफूगुलिं नेपः या सरकार, संस्कृति मन्त्रालय, पुरातत्वविभाग नपां मिलय जूयो दानयूता मः काथंया व्यवस्था याई । ख्वपया वसन्तपुर दरबार, ९९ चुकः, जगन्नाथ लागा, तालुदोम्फो नपांया सांस्कृतिक पुरातात्विक महत्व कःघाडः च्वंगु थाय्या अध्ययन अनुसन्धानता निरन्तरता बिई ।
२८. कला संस्कृतिया महत्वया खाँ न्हुँगु पुस्ताता काँकां व्यावहारिक ज्ञानबियो सीप सय्के बियता, ब्वनयकुथि सांस्कृतिक गुरुपुं व्यवस्था याडः संस्कृतिता म्वाकः तय्गु नीति काई ।
२९. वडा वडाय् च्वंगु दुडः, मदयो, न्हाडः वानय तांगू सम्पदात ल्ववनय कानय व दानयूता वडा व्यागु सम्पदा ल्यंकः म्वाकः तय्ता बिस्कं बजेट छख्य लिइकी ।
३०. नगर दुनय पुरातात्विक महत्व जःगु निजी छैं थी कारण याडः छैं थुवलं इलय दयके मफयो सम्पदा हे न्हाडः वानिगु अवस्थाय् च्वंगु छैं थुवकय् असुल याडः काय्गु याडः प्रकृया पुवांक दाडः बियगु नीति काई ।
३१. तः भवखाचां स्यंकः थुडः व्यूगु दानय् ल्यं दःनिगु छैं व न्हुँगु दानिगु छैं त

## सचिष्ठत स्वीखुग्रु ख्वप पौ. बःष्टि पौ(पाक्षिक)

- चां काकः दानयता बः याकय्गु ।  
 ३२. ख्वपया परम्परागत जन-जीवन पिब्बइगु संग्रहालय दयकिगु ।  
 ३३. परम्परागत बाजाया धिंधिंबल्ला याड मन च्वजायकेगु ज्या याई नपां सांस्कृतिक गुरुपित्ता हानयज्या न याई । सांस्कृतिक लागा बुलुहुं व्यवसायिकरण याडः यंकी ।  
 ३४. सांस्कृतिक बाजा गाजाया बोलता छसिकाथं लिपिबद्ध (च्वयो) ल्यंकः म्वाकः तय्गु नीति काई नपां दाफा भजनया थ्या साफू हकनं पिकायता मः काथंया व्यवस्था याई ।  
 ३५. परम्परागत बाजागाजा नपां प्याखं स्यनयता त्वालय याय्पु समुदाय पित्ता घ्वासा बिइगु अलय न्हाडः वानय् तांगु खः प्याखं हकनं म्वाकः ह्यता मः काथंया व्यवस्था याई ।

### (घ) कृषि:

३६. छुं छुं नं प्याहाँ वैगु ध्वगिइगु फोहरत नेपाली (प्राद्गारिक) सः सि.एन. बि.एम.-प्रविधिं दयकेगु ज्या याडः वगुलि अज थप व्यवस्थित याडः किसान तय्ता इडः वियगु याई । फोहरता थास्य् हे छुट्य् याडः अलय वैथाय् नं हे फोहर म्हवचा याकय्गु नगरबासी पित्ता प्रोत्साहित याय्गु । ख्वप नगरपालिका पाखं दयकगु नेपाली सः तय्गु पहः किसानतय्ता स्यनयगु नपां नेपाली सः तयकेता घ्वासा वियगु ।  
 ३७. चाया गुण बांलाक तय्ता इलय व्यलय चा जाँचय याय्गु व्यवस्था याय्गु ।  
 ३८. किसानतय्सं सयकगु कृषि उत्पादन काथंछिंक न्याय मिय याय्ता ख्वप वडा नं. ५ य दयक च्वंगु तरकारी बजार चाय्कः कृषि मेला व स्थानीय उत्पादन मेलाया रवसः गवई ।  
 ३९. किसान तय्सं सयकगु तरकारी, फलफूल नपां कृषि पाखं वगु फुकक

उपजत मुनयगु नपां स्वथानय्या लागि दयक च्वंगु चिस्यान केन्द्र व्यवचायकः छ्यलय्गु ।

४०. कृषकपित्ता सुविधा बियगु काथं कानून दयकः कृषि ऋणया व्यवस्था याय्गु ।  
 ४१. नगरपालिकां किसानतय्ता दांकः पुसात इडः बियगु नपां कृषि चुन छ्यलय्ता रवाकी । वडा वडाय् च्वंगु कृषक पुच्चःता सक्रिय याय्गु, स्थानीय (भीथाय् च्वंगु) पुसाता ल्यंक तय्गु नपां कःसि खेतीता च्वजाय्क यकय्गु ।  
 ४२. कृषकपित्ता हानयगु नपां न्हुँगु पुस्ताता कृषि पेशा याय्मःगु खाँ रवाकयता स्थानीय पाठ्यक्रमय् कृषि विकास दुथ्याकेगु याई ।  
 ४३. कृषि सम्बन्धी अध्ययन अनुसन्धान याय्ता खाद्य गुणास्तर अलय अनुसन्धान केन्द्र निःस्वानय्गु ।  
 ४४. किसान, मजदुर, सिंकःमि, दकःमिपु थजपुं पेशा कःमि पिनिगु धलः दयक म्हासिइका पौ इडः वियगु याई ।  
 ४५. पशुपन्छीता ल्वचं मकाय्केता मः काथंया खोपया व्यवस्था याई ।  
 ४६. लायঁ यथें त्वःत तःपु नेपांचु प्यपां चुपु नियन्त्रणयाय्ता मः काथं व्यवस्था याई ।

### (ड) पर्यटनः

४७. देश दुनय व देश पिनयया पर्यटकपुं दुकाय्ता इलय व्यलय सन्द्याकालीन पद यात्राया रवसः गवई ।  
 ४८. ख्वपया सांस्कृतिक सम्पदा च्वजाय्केता देशं पिनय व देश दुनय्या पर्यटकपुं सालय्ता काथंछिंगु इलय 'ख्वप महोत्सव' या रवसः गवय्गु ।  
 ४९. ख्वप नगरया मूर्त अमूर्त सम्पदाया खाँ देश दुनय व देशपिनयया पर्यटक पित्ता ध्वाथुइके बिय्ता पर्यटकपित्ता चाहिइकेगु न्हुँ न्हुँगु लाँपु त दयक यकय्गु ।  
 ५०. ख्वप नगरपालिकापाखं दयकगु स्वचालित शौचालय (ई-ट्वाइलेट)

छ्यली ।

५१. थानाया कला-संस्कृति, सम्पदा थजगु विषयया प्रोमो, वेभसाइट, मोबाइल एप्स, व डकुमेन्ट्री दयकः ख्वपया बारय् बालागु बयबय याय्गु ।  
 ५२. पर्यटननपां स्वापु दःपु नपां इलय व्यलय कार्यशाला गोष्ठी, गोष्ठीत रवसः गवयो होमस्टे व फेमिली स्टे त्यकेया लागि मःगू तालिमत बिइकेगु ।  
 ५३. पर्यटन सम्बन्धी विषयलय अध्ययन अनुसन्धानता घ्वासा बियगु ।  
 ५४. नगरया काथं छिंगु थास्य सांस्कृतिक प्रदर्शनी केन्द्र दयकि ।  
 ५५. सम्पदा व नगरया लायँ मः मःथाय् मत्ता (सडक बत्ती) तयो बहनीया रात्रीकालीन पर्यटन विकासका लागि प्रोत्साहित याई । नपां सुरक्षा प्रबन्धया लागि मःगु थास्य सीसी व्यामेरा तई ।  
 ५६. देश दुनयया व देशं पिनयया पर्यटकपुं अपलं द्वाहूं वयो च्वंगु इलय मःकाथं नगरया थी थी थास्य बसपार्क व शौचालय त तई ।  
 ५७. भीगु थास्यया परम्परागत सीपता भीथाय्पु जनताया कमेयाय्गु (आय आर्जन) या लुखा काथं हज्याकी ।  
 ५८. देश दुनय व देशं पिनयया अमूर्त सम्पदाया म्हासिइका पिब्बयता नपां थाना हे ता ईतक पर्यटकपुं तयोत्यता इलय व्यलय सांस्कृतिक व्यवस्था याई ।  
 ५९. नगरया पुखुली नं मः काथं बिजुली मता तयो उगु थास्य न देशं दुनयन व देशं पिनयया पर्यटकपित्ता सालय्गु ज्या याई ।  
 ६०. स्थानीय उत्पादन अप्वयक (प्रवर्द्धन) नपां न्याय्गु ज्या नं उत्साहित याय्गु नीति काई ।  
 ६१. जनप्रतिनिधिपिनिगु न्हयलुवाय सम्पदा लाग्य अलय खुल्ला थास्य बःछिया छक सुचुकुचु ज्या इवः मदिक्क न्हयाकी ।

## सचिष्ठ स्वीखुग्रू ख्वप पौ. बःष्टि पौ(पाक्षिक)

६२. अपलं छ्यलः च्वंगु प्लास्टिकया वस्तुत महवचा याकेता नगरपालिका लागा दुनयैं प्लास्टिकया भोला मछ्ययकेगु नपां हकनं छ्यलय् ज्यूगु कापया भोलात छ्ययकेता तिबः बियगु याई ।
६३. नगरता छायपियो तयगुलिता बः बियो न्हूँगु अलय ख्यडः वांग् आवास लागायाय् छ्यंगा नक्सा पास याइबलय छुँ हनय् छमा सिमा पियगु अलय पुलांगु बस्तीसं छुँ हनय् स्वं हवइगु गमला तय्के बियगु ।
६४. नगर दुनय्या थी थी पुखु नपां सम्पदा चाकलीं देशं दुनय व देशं पिनय्या पर्यटकत सालय्ता थी थी पर्यटकीय ज्या इवःत अप्ययकी ।

### लक्स व सुचुकुचु

६५. नगरया थी थी थासय् वाउँसे च्वकः आनाया लक्स (पर्यावरण) बांलाकी ।
६६. नगरय् माकचाय् जः थे प्यडः तःगु विद्युत प्राधिकरण, दूर सञ्चार नपां थी थी केवल नेटवर्कया उख्यूला थुख्यूला मदय्क प्यडः तःगु तार त जमिनय् तलय ल्हाकय् बिय्ता स्वापु द.पु नपां छलफल याडः ज्या हज्याकी ।
६७. नगरया मू मू सम्पदा लागाय् छसिकाथं यातायात ह्यके मबियगु लिपा प्राचीन नगर दुनय सवारी ल्यंक मबियगु योजना दयक यंकी ।
६८. न्हूँगु छुँ या नक्सा पास याइबलय नेपांगा व प्यपांगा दःगु सवारी साधनया पार्किङ्या व्यवस्था छुँ थुव व थमनं हे द्यकेता तिबः बियगु ।
६९. हकनं छ्यलय् ज्यूगु वस्तुता हकनं द्यकेगु व्यवस्था याई ।
७०. अः दयक च्वंगु हनुमानघाट व सल्लाधारीया फोहर प्रशोधन केन्द्र (उपचार पुखु) मथां दय्के धुंक, छ्यलय्गु कुतः याई ।
७१. खुसी सिथय् व मेमेगु थासय् सिमाचा

- पिडः वाउँसे च्वकः तयो तै ।
७२. न्हुँगु प्रविधि छ्यलः सुचुकुचु ज्या हछ्याई ।

### छ) त्वनय्यजु नाः:

७३. नाः छुँ तुथि, ल्वहँहिति, पुखु थजगु भीगु थः गु पहः लं ल्यंकः म्वाकः तय्गु ।

७४. जनसङ्ख्या अप्ययो वगुलि चिकुलाया इलय ख्वपया, नगरय् नाः तस्कं मगाइगुलि नगरकोटया नाः छुँ ल्यंकः म्वाकः तय्ता स्वापु दःपुनपां छलफल याडःनाः अपलं वयकेता मः काथंया व्यवस्था याई ।

७५. मेलम्चीया नाः छुँ छुँ थ्यंकय्गु तातुडः इडः वियगु प्रणालीसं अभ बांलाक न्हूँ न्हूँगु लागाय् नं छसिकाथं पाइप लायो यंकय्गु ।

७६. नगरबासी पिन्ता वगति नाः मुनय्ता घवासा बियगु ।

७७. जमिन तलय्या नाः डीप बोरिड याय्गु ज्या पाडः व व्यवस्थित याई । नपां जमिन तलय् नाः थानय्गु (पुनर्भरण) ज्या हज्याकी ।

### ज) कासा :

७८. कासाता नागरिक जीवनया छ्ग स्वाडः च्वंगु अडग काथं हछ्याय्ता ल्यासे ल्यास्हो पु ब्वनामिपिन्ता कासाख्य् साल काई ।

७९. अः जुयो च्वंगु कासा स्यनय्गु ज्या जुयो च्वंगुलीता मदिक्क न्ह्याकः मेगु न्हूँ न्हूँगु कासा नं स्यनय्गु ज्या न्ह्याकी ।

८०. ब्वनयकुथि कासा स्यनामिपुं छ्वयो ब्वनयकुथिया स्तरनिसें व्यवस्थित कासा तालिमया बन्दोबस्त याई ।

८१. शारिरीक व्यायाम (छिकोडः) स्यनय्गु ज्या ब्वनयकुथि नं यंकी ।

८२. दाँया च्वजःम्हा कासामि हानयज्या मदिक्क याई ।

८३. सहिद स्मृति कासा ख्यः व महेश्वरी कासा ख्यःता बांलाकय्ता मः काथंया बजेट व्यवस्था याई ।

८४. वडा-वडाय् च्वंगु 'खेलकुद समिति' ता तः लाकी अलय अन्तर वडा कासा या धिंधिं बल्ला याइपिन्ता मःकाथं आर्थिक गवाहाली याई ।

८५. त्वालय् त्वालय् तयो तयागु खुला व्यायामशालाता अभ बांलाकी नपां मेमेगु थासय् नं खुल्ला व्यायामशालात हज्याकी ।

८६. नगरया काथंछिंगु पुखुली ल्यासे ल्यास्हो पिन्ता लाला काय्गु स्यनय्ता मः काथंया व्यवस्था याई ।

८७. त्वालय-त्वालय थी थी परम्परागत कासाया धिंधिं बल्ला याकय्ता ध्वाइसा ब्वनयकुथिया कासा स्यनामिपिन्ता मःकाथं प्रशिक्षण विई ।

### ल्यासे ल्यारहोपुं थःगु तुतिख्य दानय फ्यके बियगुः

८८. ल्यासे ल्यास्हो पिन्ता थःगु तुतिख्य दानय फ्यकेता सहुलियत व्याजदरय् 'युवा उद्यमशील ऋण' वियगु ज्या मदिक्क न्ह्याकी ।

८९. ल्यासे ल्यास्हो पिन्ता लाहातय् ज्या दैगु तालिमत फ्रिज, मोबाइल, वासिडु मेसिन, नाथाकाय्गु पम्प, दय्केगु तालिम अलय अः स्यडः च्वंगु डकःमि, प्लम्बर, विद्युत, सुज्या सुयगु, ज्वरय याय्गु, साँ च्याकय्गु, बुटिकया तालिमत ब्यु ब्यू यंकी ।

### सहकारी

९०. सहकारी संस्थातय्ता प्रविधिनपां स्वाकः यंकी नपां उकिया लागिं मःकाथं तालिमत नं बिई ।

९१. सहकारी दःगु लाय पर्यटन व ख्यें लैग थासय छ्ययकेता तिब बिई ।

९२. सहकारी संस्था याकचां व मिलय जुयो

## सचिष्ठ स्वीखुग्रु ख्वप पौ. बःष्टि पौ(पाक्षिक)

- थाकालिपुं जेष्ठ नागरिक पिनिगु सेवाया  
लागिं आदर निकेतन चाय्के बियता  
तिबः बिइगु बिस्कं ज्या इवः  
(कार्य विधि) दयकः लागु याई ।
१३. ख्वप नगर दुनय चाय्कः तःगु सहकारी  
मध्ये च्वयो तःगु मापदण्डया लिधंसाय  
च्वजःगु सहकारीता सिरपा दे छाई ।
१४. परम्परागत संस्कृति ल्यंकः तयता  
र्वाहाली याइगु सहकारीता च्वजाय्कगु  
नीति काई ।
१५. सहकारी संस्था अभ बालाकय्ता  
अनुगमन अज बालाक याई ।
१६. 'छगु सहकारी छगु लागाय् सुचुकुचु'  
ज्या इवः अज बालाक यंकी ।
१७. सहकारीया दुजः पिनिगु सांस्कृतिक  
स्तर च्वजाय्केता मः काथंया ज्या इवः  
त हछ्याई ।
१८. धेबा मदयो च्वय थ्यंकया शिक्षा काय  
मफूपुं ब्वनामिपिन्ता म्हवचा व्याज दरं  
शैक्षिक त्रहण बिइकेता ध्वासा बिई ।
१९. न्हियान्हिथं मुनिगु (दैनिक बचत  
सद्कलन) ता नियन्त्रणया नीति काई ।

### विविध

१००. ख्वप नगरपालिका वडा नं. ६ देकाचाय्  
द्यकः च्वंगु अरनिको सभा भवन  
नगरया गौरवया योजना जूगुलि  
उकितामःगु बजेट छख्य लिइकी ।
१०१. नगरया थाकालीपुं जेष्ठ नागरिक पिनिगु  
सेवा याय्या लागिं ख्वप नगरपालिका  
वडा नं.६ खय् द्यक च्वंगु आदर  
निकेतन न्हिनय् जक सेवा न्हयाकी,  
उकिया लागिं मः काथंया जनशक्ति  
व बजेट व्यवस्था याई ।
१०२. ख्वप नगरपालिका वडा नं. ५ य्  
ब्यवस्थित पार्किङ द्यक न्हयाकी नपां  
नगरया थी थी थासय् पार्किङ्या  
व्यवस्था याई ।
१०३. जुजु धौ, ताइचिन बजी, हाकुपटासी,  
तकातपुली, तु चिकं काष्ठकला,  
धातुकला, हस्तकला, ख्वःपा दयकिगु

- नपां घरेलू उत्पादनता तिबः बिई ।
१०४. देको मिबा इतापाके जगगा एकीकरण  
योजनाय् ल्यं दःगु भौतिक संरचना  
द्यकेता चतारं ज्या याई अलय बुँ थुव  
व म्हेवं पिनिगु जगगा लिता बियगुज्या  
नं मादिक न्हयाकी । गुथि जगगा  
कमेयाडः च्वंपुं किसान तय्गु समस्या,  
ज्यंकयता मादिकक पला न्हयाकी नपां  
गुनासोकर्ता पिनिगु निवेदन काथं गुनासो  
व्यवस्थापन उपसमितिपाखं मः काथंया  
खाँ व्वः छिई ।
१०५. सार्वजनिक, ख्यः व सरकारी जगगा  
ल्यंकः तई नपां अजगु, जगगा  
सार्वजनिक भिं ज्याख्य छ्यली ।
१०६. हनुमन्ते खुसीया नेख्य सिथ्य करिडोर  
द्यकेगु ज्या हज्याकी ।
१०७. हनुमन्ते खुसी व कासनय् (खासाड  
खुसुड) खुसीसफा याय्गु नपां उगु  
खुसी बालाक न्हयाकय्ता मः काथं  
बजेट छख्य लिइकी ।
१०८. ख्वप नगरपालिका वडा नं २ व्यासी  
च्वंगु भत्कपुर औद्योगिक क्षेत्र च्वंगु  
हस्तकला उद्योग व्यवस्थित याडः  
न्हयाकी ।
१०९. भत्कपुर औद्योगिक क्षेत्र मेथाय् तय्  
छ्वयो उकिता घरेलू उत्पादन याइगु  
काथं चाय्किगु औद्योगिक ग्राम काथं  
हज्याकी ।
११०. ख्वप नगरदुनयया व्यवसायीपिन्ता  
अःपुकय्ता स्वापु दःगु पक्ष नपां  
मिलयजुयो धः तालाजु नवीकरणया  
व्यवस्था नगरपालिका दुनय् हे याकय्गु  
व्यवस्था याई ।
१११. नगरपालिकां आन्तरिक आय (दुथा)  
बल्लाकय्ता करया दायरा तः चाक  
याडः यंकी ।
११२. विपद्या इलय जनताता सुरक्षित याय्ता  
विपद्य प्रतिकार्य नपां विपद्य व्यवस्थापन  
विशेष ज्या इवःत न्हयाकी ।
११३. छँ छँ कर कः वानिगु पुचः द्यकः कर  
मुनय्गु ज्या याई ।
११४. करदातापिन्ता कर पुलय् अःपुकय्ता  
क्यू आर कोड पाखं अनलाइन राजशव  
मुनय्गु ज्या याई ।
११५. जि.पि.एस. प्रणाली नपां आधुनिक  
ठेगाना प्रणाली लागु याई ।
११६. नगरय् देशं दुनय व देशं पिनय्या  
पर्यटकपुं अपलं दुकाय्ता नगरया मू  
मू थासय् छसिकाथं निःशुल्क  
वाइफाइया व्यवस्था याई ।
११७. साहित्य व सांकृतिक प्रतिष्ठान द्यकेगु  
कुतः याई ।
११८. ख्वपया सम्पदा वास्तुकलाया महत्वं  
जःगु भवन, त्वः, पुखु व थीथी विषयया  
खाँ व्याकिगु जानकारी सूचीया साफू  
द्यकी ।
११९. ख्वपय् चाय्क तःगु थीथी सरकारी व  
गैर सरकारी अस्पतालय् नगरबासी  
जनताया स्वास्थ्य उपचारय् दइगु  
छुटता कार्यान्वयन याकय्यगु कुतः  
याई ।
१२०. ब्वनयकुथि थिइकः उकिया चाकलीं  
धुम्रपान व मध्यपान याकय् मबियगु  
नीति काई ।
१२१. नगरपालिकाया ख्वप टेलिभिजन  
न्हयाकि ।
१२२. अनलाइन पाखं नक्सापास प्रक्रिया  
हछ्याई ।
१२३. उपभोक्ता पिनिगु स्वास्थ्यता विचः  
याडः बजार अनुगमनता अभ बालाक  
यंकी ।
१२४. नागरिकपुं डायो जुय मछिंकः पांकः  
व्यवसाय न्हयाकः च्वंपिन्ता कानून  
बमोजिम कार्बाही याई ।
१२५. ल्यासे ल्याम्होपिन्ता लागु औषध दुर्बर्सनं  
तापाक तय्ता पानय्गु नपां मयाकय्गु  
नीति काई ।
१२६. अपाड्गता जू पिन्ता मःकाथं  
फिजियोथेरापी सेवा न्हयाकी ।  
(ख्वप नगरपालिकाया हिंखुकगु  
नगरसभा सं ख्वप नगरपालिकाया प्रमुख सुनिल  
प्रजापति जु पिब्बयो द्यूगुया भाय हिला - स.)

सचिव स्वीखुग्रु ख्वप पौ. बःषि पौ(पाक्षिक)

## ख्वप नगरपालिकाया अनुमानित बजेट २ अर्ब ६६ करोड ४३ लाख



ख्वप नगरपालिकाया प्रमुख सुनिल प्रजापतिया नायो सुई च्वांगु हिंखुकगु नगर सभाया बैठक्य उप प्रमुख रजनी जोशी असार १० गते ख्वप नगरपालिकाया आ.व. २०८१/८२ या अनुमानित बजेट पिढ्वयो दिल्ल। ख्वप नगरपालिकाया आन्तरिक स्रोत, नेपाल सरकार व वागमती प्रदेश सरकारया थी थी नाम्य वैगु अनुदान रकम नपां छृण त्यायकाय्गु नपां याडः आ.व. २०८१/८२ या लागिं २ अर्ब ६६ करोड ४३ लाख या बजेट पिढ्वयो दिल। विभवगु बजेटया चालु खर्च पाख्य १ अर्ब ५७ करोड ३ लाख १० हजार तका दां अथे धाय्गु ५८.९३ प्रतिशत व पुँजीगत पाख्य ९९ करोड ४० लाख तका दां अथे धाय्गु ३७.३० प्रतिशत व वित्तीय व्यवस्था पाख्य १० करोड ५० लाख अथेधाय्गु ३.७५ प्रतिशत छ्खय लिइकगु दः।

बजेटया न्वचु सं शिक्षाया लागाय ५४ करोड, स्वास्थ्य लागाय १३ करोड ३० लाख, सम्पदा ल्हवनय कानय व दानय्गु नपां सांस्कृतिक ल्यंकः म्वाकः तय्ता १० करोड ७९ लाख, कृषि लागाय ५ करोड २० लाख, वातावरण (लक्स) व सुचुकुचुख्य १९ करोड

६५ लाख, पर्यटन प्रबद्धनया लागिं ६ करोड ९५ लाख, भौतिक पुर्वाधारपाख्य ५७ करोड २१ लाख, कासाख्य ४ करोड ५५ लाख, युवा तथा महिला लक्षित ज्याभूवः या लागिं ४ करोड ३० लाख, सामाजिक सुरक्षा पाख्य ४० करोड ५० लाख व थीथी मे मेगु योजनाया लागिं ५ करोड ८५ लाख बजेट छ्खय लिइकगु दः।

शिक्षापाख्य ख्वप विश्वविद्यालय तयारी समितिया लागिं सःस्य पुं विज्ञपिनिगु पुचः निःस्वाड ज्या हज्याक्य मः काथंया बजेट छ्खय लिइकगु दःसा ख्वप इन्जिनियरिङ्या 'बी' ब्लकया न्हाँगु भवन दानय्ता थुगुसी ५ करोड ५० लाख तका छ्खय लिइकगु दः। नगरपालिका दुनय् चाय्कःतःगु सामुदायिक आधारभूत व मा.वि. तगिं या ब्वनयकुथि भौतिक पुर्वाधार दानय्ता नपां शैक्षिक गुणस्तर च्वजाय्केता अनुदान बियता २ करोड तका बजेट छ्खय लिइकगु दः। शैक्षिक ऋणता थुगुसी नं मदिक्क हज्याक्यता २ करोड तका बजेट छ्खय लिइकगु दः। नगरपालिका दुनय्या सामुदायिक ब्वनयकुथि ज्या साडः च्वांपुं कर्मचारी पुं व ग्राहालीमिपिनिगु लागिं व्यक्पिसं नयो व्यो च्वांगु तलब्य ख्वप नगरपालिका पाखं छम्हासिता लच्छ्या नेह्वतका दां ताडः बियगु व्यवस्था यात।

स्वास्थ्य पाख्य ख्वप अस्पतालता अज व्यवस्थित व बालाक यंक्यता सिटिस्क्यान न्याय्ता चालु आ.व. ख्य विनियोजित धेबा बाहेक ५ करोड बजेट व्यवस्था यागु दः। ख्वप नगरपालिका वडा नं १० या बेखाल स्वास्थ्य सेवा केन्द्र व ख्वप नगरपालिका वडा नं ७ खँचा पुखु स्वास्थ्य चौकी दानय् धुकः चाय्केता १ करोड ५० लाख तका दां छ्खय लिइकगु खःसा हिं स्वदा व्यवस्था मिसा



## सचिव स्वीखुग्रु ख्वप पौ. बःषि पौ(पाक्षिक)

मस्तयगु मचा छें जुझगु क्यान्सर विरुद्ध खोप वियता नं बजेट छख्य लिइकगु दः ।

सम्पदा व संस्कृति ल्यंकःम्याकः तय्ता ख्वप नगरपालिका बडा नं ३ या लायकु पाहाँछैं भीगु थःगु मैलिक पहलय् हानयता ३ करोड ९० लाख व इन्द्रायणी द्वाँछैं या लागिं द० लाख, बडा नं ४ या च्वंगु लक्ष्मी नरसिं देगःता द० लाख, हाडा छैं या लागिं ६० लाख व बडा नं ६ या छुमा गणेश द्वो छैं या लागिं ५० लाख बजेट छख्य लिइकगु दः ।

कृषिपाख्य कृषिं सय्कगु स्वथानय्ता व मियगु बजारीकरणया लागिं बडा नं ८ लिबाली शीत भण्डारणया लागिं ३ करोड १० लाख व बडा नं ५ या तरकारी बजार ब्वःचाय्केता ३० लाख व किसान, मजदुर डकःमि, सिंकःमि पुं व पेशाकःमि पिनिगु धलः द्यकः म्हासिइका पौ इडः बियगु व्यवस्था याय्गु नपां कृषि ऋणया लागिं १ करोड तका बजेट छख्य लिइकगु दः ।

पर्यटन प्रवर्द्धन पाख्य देशं दुनय व देशं पिनय्या पर्यटन प्रवर्द्धन याय्गु तातुडः स्थानीय सांस्कृतिक अग्रजपुं, पर्यटन व्यवसायीपुं, स्थानीय उन्पादनकर्तात नपां स्वापु दःपुं मुकः संध्याकालीन सांस्कृतिक पदयात्रा न्ह्याकय्ता नपां धात्थैं धात्थैं गु थासय मदिक्क सांस्कृतिक ब्वज्या याय्गु व्यवस्था याइगु अलय थुगुसी या आ.व. या काथंछिङु इलय 'ख्वप महोत्सव' याय्ता मःकाथंया व्यवस्था याईगु खाँ दः ।

लक्स सुधार व फोहरमैला थासय् लाकय्ता १ करोड ३५ लाख व हनुमन्ते खुसी व खासाड खुसी सुधार व खुसी सिथ्य रिटेनिड वाल द्यकेगु हदाय तयो ज्या सानय्ता १ करोड ५० लाख बजेट छख्य लिइकगु दः । भौतिक पूर्वाधार द्यकेगु पाख्य नगरया

गैरव या योजना काथं हज्याडः च्वंगु ख्वप नगरपालिका बडा नं ६ या देकोचाय् दाडः च्वंगु अरनिको सभा भवन दानयगु थुगुसीया आ.व. ता १८ करोड, बडा नं ७ या महेश्वरी कासा ख्यः अझ बालकय्ता नपां बडा नं २ या सहिद स्मृति कासा ख्यः या विस्तृत परियोजना प्रतिवेदन ह्यकेता मःकाथं बजेट छख्य लिइकागु दः ।

अथेहे बडा नं ५ य् व्यवस्थित पार्किङ द्यकेता व नगरया थी थी थासय् पार्किङ द्यकेता १ करोड तका, ख्वप नगरपालिकापाख्य न्ह्याकगु देको, मिवा इतापाके जग्गा एकीकरण आयोजनाय् ल्यं दःगु भौतिक संरचना द्यकेगु ज्या चतारं याय्ता नपां बुथु व म्हँव पित्ता जग्गा लिता वियगु अलय् जग्गा प्रशासन ह्याकय्ता १८ करोड व ख्वप टेलिभिजन न्ह्याकय्ता मःगु जनशक्ति व पूर्वाधार द्यकेता १ करोड बजेट छख्य लिइकगु दः ।

जेछ नागरिकपिनिगु सेवाया लागिं बडा नं ६ ख्य दाडः च्वंगु आदर निकेतन दिवा सेवा न्ह्याकय्ता व मगु जनशक्ति नपां याता १ करोड बजेट छख्य लिइकगु दः ।

थी थी योजना व ज्याभ्वः पाख्य ख्यः व सार्वजनिक जग्गा ल्यंकः तय्ता ३० लाख तका, नगरपालिकाता मःगु जग्गात न्याय्ता ५ करोड व जग्गा व छैं बःया लागिं ५५ लाख बजेट छख्य लिइकगु दः ।

नगर सभाया उगु बैठकय् उपप्रमुख जोशीं ख्वप नगरपालिकाया 'आर्थिक विधेयक २०८१' भन्तपुर नगरपालिकाया विनियोजन विधेयक-२०८१ सभासं पिब्वयो द्यूगु खः । सभां उगु नेगु विधेयकत छलफलया लागिं छप्वा म्हूतुं स्वीकृत यागु खः ।

नगर सभाया मेगु बैठक असार १२ गते न्हिनय् सिया १:०० ता इलय च्वनिगु धःगु दः ।



## संघीयता : नवकली नागया शैरिंविन

विवेक

नेपालय् सद्धीयता छ्यःगु न च्यादा दत् । अथेन संघीयता खाडः शासक दलता हे ग्याडः च्वंगु दः । अमिसं स्थानीय तहता संविधान व कानुन व्यूगु अधिकारत वियतातक तुगः स्याडः च्वंगु दः । स्थानीय तह अधिकारं मजः तलय् संघीयता बालाक हछ्याय फै मखु । संघ व प्रदेशं स्थानीय तह याय् अलय् सद्धघं प्रदेश व स्थानीय तहया अधिकारय् तःक हे क्वत्यलः लाक काय्ता स्वयो च्वंगु दः । संघीयता छ्यलय् गुलि शासक दलया ज्या पा स्वयबलय 'नवकली नागया शैखिन' धःगु बाखां लुमांसे वई ।

छम्हा मनू न्ह्याब्ले नागया तस्वीरय् पुजा याइगु । व मनू नागया तस्कं शैखिनम्हा मनू वं थःगु क्वथाय् चाकलीं नागया किपा त च्ययो तःगु जुल । थव्खाँ सियो छ्नू धात्येम्हा नागराजं वाय्ता दर्शन वियमाला दक वाय् गु क्वथाय् द्वहँवान । धात्येम्हा नागराज खां बलय् वयागु होस हे तान । व ग्याजिलां हाल आना हे बेहोस जुल ।

थथे भरीपुं शासक दलता निर्वाचनया इलय गां गामय् सिंहदरबारया नारा बियो चुनाव त्याकला । यक्व न्हपानिसें सिंहदरबारय् अधिकार लिकुक तयो थमनं एकछत्र शासन याडः च्वंपु व शासक दल तय्सं प्रदेश व स्थानीय तहता कानुन अधिकार व्यूगु खाडः औँतय् जुल । अमिसं थी थी त्वहः तयो केन्द्रया अधिकार प्रदेशय् तकजक वियगु कुतः याडः च्वना । स्थानीय तहखय् विय धुंगु अधिकारत नपां छगू छगू याडः लिताकाय् गु जः रवयो च्वना । थव शासक दलतय् गु (केन्द्रीकृत) थः कय्सं लाक तय् गु मानसिकताया लिच्चवः खः अलय

संघीयता व संविधान विरोधी, ज्या खः ।

नेपःया सरकारं जेठ १५ गते २०८१/८२ या नीति १८ खर्ब ६० अर्ब ३० करोडया बजेट पिभवता । बजेटय् स्थानीय तहता विइगु समानीकरण अनुदान म्हवचा याता । २०८१/८२ या लागिं स्थानीय तहया लागिं समानीकरण अनुदान ८८ अर्ब तका जक दःसा सशर्त अनुदान २२ खर्ब द अर्ब छखय् लिइकगु दः । नेपाल सरकार व प्रदेश सरकारं स्थानीय तहता विशेष समपूरक, समानीकरण व सशर्त याडः प्यताजि अनुदान विइगु कानूनी व्यवस्था दः । स्थानीय तहया भूगोल व जनसंख्याया लिधंसाय वित्त आयोगया सिफारिसय् वित्तीय वियगु याई । अलय वित्तीय आयोगं समानीकरण अनुदान अप्यकेता सिफारिस याक याकं नं संघ व प्रदेशं उकिया अखः समानीकरण अनुदान म्हवचा याडः सशर्त बजेट अप्वः याडः यंकगु दः । थुकिता संघ व प्रदेशया लाहातय् म्हुछिड तय् गु संघीयता छ्यलय् गु कुतः काथं काय् फः ।

समानीकरण अनुदान बाहेक मेमेगु नामय् बजेट अपः तःसां स्थानीय तहया लागिं उकिं उलि अर्थ तैमखु । स्थानीय तहलय् योजना सिफारिस याय् गु संघ व प्रदेशं योजना ल्यय् गु अलय् उकियाता छ्यलय् गु नं संघ व प्रदेशं हे याइगु । थव सशर्त बजेटया नामय स्थानीय तहता थःगु लाहातय् म्हुछिड तय् गु कुतः खः । शासक दलतय् स्मुछिड तय् गु संघीयता छ्यलय् ता कुतः याडः च्वंगु थव छगू दसु खः ।

संघ, प्रदेश व स्थानीय तह याडः स्वंगु तहया सरकार दय्कं दय्कं जिल्ला समन्वय समिति ल्यकः तःगु मा.वि. तगि तकया अधिकार स्थानीय तहता वियधुकन

जिल्ला शिक्षा समन्वय एकाइ ल्यंकं तुं तःगु बडास्तरं याइगु नेगु निसें प्यंगू लाख तकाया योजनात नपां संघ व प्रदेशं न्ह्याकिगु, संघ व प्रदेशं स्थानीय तह नपां स्वापु दःगु कानूनत तः दा दयानं मदय्कगु अलय सशर्त बजेट अप्यक अप्यानीकरण अनुदान म्हवचा याडः यंकगु नपां स्थानीय तहता कर्मचारी भर्ना याय् गु अधिकार म्ह्यूगु, शासक दलत केन्द्रीकृत मानसिकतां ज्यासाड च्वंगु दसुत खः ।

चालु आ.व. २०८०/८१ या लागिं सोत पक्का (सुनिश्चितता) याय धुंगु सामानीकरण अनुदान नपां २६ प्रतिशत म्हवचा याडः कताय् गु खाँ च्विछिडः स्थानीय सरकारता संघ सरकारं अन्याय यात । अनुदान म्हवचा यासेलिं देशादेलिया द्वलंद्व योजनात याय मफैगु जुल । उगु गलत निपं लिता कः धाय् गु माग याडः स्थानीय तहया जनप्रतिनिधिपिसं सिंहदरबार दुनय हे आन्दोलन याता अलय् उकिता न्ह्यपसिलिंचां हे मथ्वक । स्थानीय तहया लागिं आ.व. २०८०/८१ या लागिं ८७ अर्ब ६५ करोड छखय् लिइकगुलि २०८० माघ १० गते निर्णय याडः २२ अर्ब ६१ करोड (२६ प्रतिशत) म्हवचा याय् गु क्वः छ्यूगु खः ।

माओवादीत दकलय् अपः संघीयताया खाँ खय् वकालत यो जुइपु खः । संघीयता वयवं जनताया समस्या अथे हे जेनिगु दाबी यापु खः । अमिसं संघीयता सशस्त्र संघर्षयाय् हे लिच्चवः खः धाधां जसकाय् ता लिइमलाक जुइगु । अलय संविधान व कानुन व्यूगु स्थानीय तहया अधिकार लुटय् याय् गुलि नं माओवादी सरकारहे हदाय लागू खानय् दः । संविधान

## सचिष्ठ स्वीखुगृहु ख्वप पौ. बःष्टि पौ(पाक्षिक)

दयकेगु इवलय् माओवादीया नायो प्रचण्डं संघीयतां दे हज्यागु दसुत पिभ्वयो हिदाया दुनय नेपः दे स्वीट्जरल्याण्ड दयकेगु वाचा यागु खः। नेतात इमानदार व देशभक्त ज्सा प्राकृतिक स्रोत व साधनत अपलं छ्यलः थःगु तुतिख्य् दानयगु कुतः याडः हज्यासा वनं मफैगु मखु। अलय् नेपः या शासक दलया नेतातय्सं राजनीतिता म्हवचा इलय् अपः कमेयाय्गु ब्यापारयाता, गुकिं दे भन भन कमजोर जुजुं वान।

**स्वीट्जरल्याण्ड चिच्याक्वगु**  
अलय् संघीयता बालाकः न्ह्याकः च्वंगु दे खः। आनाया सांसदपुं नेपःया सांसद थें पेशेवर मखु। छम्हा छम्हा सांसदपुं छ्गु नं छ्गु पेशा याडः हे च्वनिगु। राजनीतिता आना आशिक काथं जक काइगु। सांसदपुं अधिवेशन जूतलय राजधानी वयो च्वं च्वनि। आना हे नय्गु-च्वनय्गु व सांसद भत्ताया व्यवस्था याई। नेपालय् थें लय् लय् पतिकं तलब बिडगु चलन आना मरु। संसद अधिवेशन क्वाचाय्वं फुक्क थः थः गु पेशाय् ल्याहाँ वै। राज्यता सांसद पिनिगु उलि भार फय् म्वः। आना मन्त्रीत नं अपः दैमखु। राष्ट्रपति नपां न्ह्यम्हा जक मन्त्रीत दै।

नेपः दे स्वयो यक्व यक्व आर्थिक रुपं हज्यागु छ्गु संघीय दे श स्वीट्जरल्याण्डया सांसद व मन्त्रीत नपां ज्वः लाक गथे स्वय् फै? नेपालय् संघय् २७५ व प्रदेशया ५५० याडः द२५ म्हा यां सांसद जक दः। मन्त्रीत नं संघय् २५ म्हा व प्रदेशय् थयं ७५ म्हा ल्यातय्गु खः सा १०० म्हा ति दः वै। व फुक्कसिया सेवा सुविधा अतिकं च्वजः। राजश्वं चालु खर्च नपां कुबिय मफैगु अवस्था वगु थें मू हुनि मध्ये थव नं छ्गु खः।

अज भीपुं शासकत धःसा थःजक भिं जुइगु खःसा न्ह्याथिन्योगु कानुन नं पारित याय्ता नं लिफः स्वइ मखु। हिदा हिंडादा हाँ सांसदपिन्ता पेन्सन बियगु

विधेयक नपां पारित याता। छक त्याकः व पिन्ता बच्छी, न्यक त्याक व पिन्ता प्यब्वय् स्वब्ब, स्वक व व स्वयो अपः त्याकः पिन्ता सत प्रतिशत पेन्सन बियगु विधेयक कानुन दयकला। सांसद पु कर्मचारी मखु पेन्सन वियमज्यू धायो उगु विधेयकया विरुद्धय नेपाल मजदुर किसान पार्टी याकचां संसदय् सः थ्वकगु खः। लिपा सर्वोच्च अदालतं उगु कानुन खारेज यासेलिं पेन्सन काय मखान। उगु कानुन ल्यः च्वंगु ज्सा छु जुइगु जुई?

नेपःया कानुनय् सांसदया उच्च जनप्रतिनिधिमूलक पदया उम्मेदवार लाभया पद कुबियो वय मज्यूगु कनुनी व्यवस्थां नं छुं भाति भ्रष्टाचारता गवाहाली यागु खानय् दः। प्रतिनिधिसभा, प्रदेशसभा व स्थानीय तहया निर्वाचनय उम्मेदवार जुयता सरकारी जागिर त्वः तय मःगु कानुनी व्यवस्था दः। थुकिं निर्वाचित जनप्रतिनिधिपिसं पदावधि फुडानिं छु याय्गु धाय्गु चिन्तां याडः नं गुलिसिया अः हे धेबा कमेयाय् मः धाय्गु मति वांगु जुयफः। मखुसा आपासिकं दुःख सियो वपुं राजनैतिक कार्यकर्तात छाय् सरकारय् वानकीं स्यनि? उकिं उम्मेदवार जुयता लाभया पद धारण याडः च्वंम्हा व्यक्ति मज्यमःगु धाय्गु कानुनी व्यवस्था ता हिङ्केगु पाख्य् छलफल हज्याकय् दःसा बालाइ।

जनताया सेवा याय्गु भावना दःपु निर्वाचनय् त्याक वैगु वातावरण दय्के फःसा, देशय् विकास हज्याइला। अः करोडौं धेबा खर्च याडः चुनाव त्याकः वै। त्याक वय धुडानिं निर्वाचनय् हवलागु धेबा साँवा ब्याजनिं लिफ्यनय्गु कुतः याई। अलय् देश गथे हज्याई। लिपाया घटनात स्वय्गु खःसां नं त्याक वगु दात्याया इलय् १०० म्हा स्वयो अपः जनप्रतिनिधिपुं थी थी फौजदारी कसुरय् मुद्दा ज्वड जूगु बुखाँ प्याहाँ वल। अज भीपुं सांसदपुं बेलायत, अष्ट्रेलिया, भारत थजगु देशया सांसदपिन्ता

सेवा सुविधा नपां ज्वः लाक थःता मःगु खाँ ल्हाई। न्ह्याथेयाडः जूसां राज्य कोषया धेबा फक्व अपः सुविधा काय्ता स्वइगु। थव बालागु खाँ ज्या मखु।

छक भारतय् नं आनाया सांसदपिसं बेलायतया सांसदपिसं लय लाखौ तका काइगु अष्ट्रेलियाय् २२/२३ लाख काइगु खाँ न्हिथाना। उब्ले आना धाय्गु याता - भीपुं जनसेवकपिसं लुमांकय् मज्यू। अपुं बेलायत व अष्ट्रेलियाय् पुं मखु, हिन्दुस्तान याय्पुं खः गुगुदेशय् अपलं जनताता गरिबीया धवलं क्वय् लाडः च्वंगु दः। अः नेपःया मन्त्री सांसद व जनप्रतिनिधिपिसं उगु खाँ नुगलय् तय मः।

संघीयता छ्यःगु च्यादा तक हे संघीयताया मति व भावनाकाथं ज्या याय् मफूत। प्रदेशं थः छु खः धाय्गु औचित्य पुष्टि याय मफूत। उकिया लिच्चः प्रदेश खारेज याय्मः धाइपिनिगु सः भन भन तःस जुयो वल। दात्याख्य् प्रदेशय् २१ क सरकार ह्यगु २३ क विश्वासया मत काय मःगु अवस्थां देया राजनैतिक अस्थिरताया खःपाः पिभ्वयो च्वंगु दः।

उकीं संघीयता धात्थें खयकः छ्यलय्गु खः सा अधिकार स्थानीय तहता छसिकाथं लः ल्हाडः यंक्य् मः। केन्द्र व प्रदेशय् अधिकार द्वैचिडः संघीयता त लाई मखु। मःपुं कर्मचारीत त्यगु अधिकार तं स्थानीय तहता बियमः। छथायसं जक अधिकार केन्द्रीकृत याड त्यगु मानसिकता दःपु शासक तयसं शासन याडः च्वंतलय प्रदेश व स्थानीय तह तयसं अपलं अधिकार काय फै मखु। चिच्या चिच्याहाँगु ज्या यानितिं हे सिंहदरवारया लुखा पियमःगु अवस्था मदय्केता सङ्घीयता छ्यःगु खः। अलय् अः याय्गु पहलं हे हज्याय्गु खःसा वैगु निर्वाचनय् प्रदेश खारेजीया मुद्दा ज्वडः हज्याइपुं पार्टी त्यसं अपलं मत काइगु सम्भावना अपलं खानय् दः।



## जिगु देशयात ब्वना

पूर्ण वैद्य

निहया निहयं  
मखु मखु कथं हे  
गोरखापत्रया ततः रवःगु आखलय्  
जब जिगु देश छापय् जुइ  
भोलाय् स्वथना: इने यंकी  
ततःधंगु अफिस अफिसय्  
ततःधंगु पसः पसलय्  
जितः दक्व लाका कया:  
थःगु हे ल्हाःतं  
थःगु हे हि  
स्यंकूथाय् तक भिंकेमास्ते वइ  
थुकी हे जिके दक्व ई वंसा  
हाकुगु ल्वहँया इवःङ्वः वानाच्वंगु लुफिंत  
गोरखापत्रया ततःरवःगु आखःत चिइकाः,  
रेडियोया स्तुति नँवःगु ताताःहाकःगु रागत तुना, जितः  
देय्या वास्तविकता उले मास्तेवइ ।  
कि, सुनानं गलत कथं थमब्वं जिगु देश ।  
कि, सुनानं गलत कथं कया: थमब्वं जिगु देश ।  
गनं गलतकथं न्यना थमब्वं जिगु देश ।  
आरोपित अधिकारतय्गु स्याःचुपि धाःधाः जूगु देश  
ज्यू थाय् तक लाकू ताना क्वयं खने दयाच्वंगु देश ।  
योजना-परियोजनाया बःबः कचि भवंतयसं -  
खने मदयेक थू तुलातःगु देश ।  
जब व हे देय्या महान शुभ चिन्तक जुइ ।

गुम्हसिया प्वा: देय्या ला-हिं फुदनाच्वंगु दु ।  
थव देय्या छकू ला - जि ।  
छफुति हि - जि ।  
बम थें चिल्लाय् दनाः पंम्हइ मास्तेवइ  
थव गुपचुपया  
हाकुगु कानूनी धकिं दुने  
ला काः म्हेसिनं ला  
हि काः म्हेसिनं हि,  
लाकाच्वंगु थासय्  
गन जिगु नं हत्या जुयाः वनाच्वंगु दु ।  
धाःतय्गु स्याः चाः सः  
जब डिनर टेबुलया थवःगु न्हिलासलं  
टेपया जय गानया शब्दतय्सं नुनी  
जितः थः हे नॅ न्याःगु आकाशया सः थें थवयाः  
मि-मलः जुयाः काये मास्तेवइ ।  
म्हो नं, छगू प्रहार-जक सां सार्थक सावित जुइ थब्यू  
थव कायर-जीवनयात,  
कक्कु लथ्यानाः म्वायेगुयात,  
छगू ग्यानापुगु भूठया हाकुम्ह क्वःयात  
म्हय्खा पा छुछुं  
सत्यया सौन्दर्य हे ल्वः मंकेगु  
खबर न्यॅन्यं जिगु देशया  
जि बेखबर जुइ, जिगु देशया सत्यं  
देश बेखबर जुइ जिगु सत्यं-निष्ठ कर्म

## सचिष्ठत स्वीखुगृगु ख्वप पौ. बःछि पौ(पाक्षिक)

मानो, व्यवस्थाया मिं छगू पःखाः थहाँ वयाच्चन,  
जि व जिगु देशया दथुइ  
जनता व देशया दथुइ  
मिखा व यथार्थया दथुइ  
थव पः खाः ।  
गन सकसितं चालाच्चवंगु ततःधंगु लुखा च्वयातःगु दु  
ततः ब्याःगु लँ च्वयातःगु दु  
तर, लय्ताया: ब्वां दुहां वनेत वइपिनि,  
छ्यं तज्याक हाइगु,  
तुतिया लुसि देय् थ्वक्क लुफिं हाइगु  
दँडँया सीमित स्वार्थया कुटिलतां पिदंगु ।  
मयःया छगू कीर्ति थव पःखाः ।  
'इम्पेरर न्यू क्लोथ' या जुलाहांत  
चच्छि निहच्छि लिमलाक  
आः नं थन इम्पेररया न्हगु वसः थानाच्चवंगु दु  
गन देशय् मदुगु  
थःगु हे कथंया  
थःगु हे चायात ल्वःगु धकाः  
विद्वान धायेकेत लालायित मनूतय्गु छगू हूल  
जिगु देश ।  
न्यालांगू बालागु पंजलय् म्हणिं मन्हयनाः,  
क्यकुनाच्चवंगु जिगु देश ।  
वयाच्चवय् ब्वयाः थाहां वनेगु तुयुगु पपू कुतुं वनाच्चवन

सुयां कर्किया लागि,  
तर, देय् च्वय् ब्वयाः वनाच्चवंगु  
बाखं ल्हानाच्चवंगु दु  
देय् च्वय् थ्यना वनाच्चवंगु म्ये हालाच्चवंगु दु  
थः जक सर्गतय् ब्वया जुइपिसं ।  
तर, थौं जिगु हे ब्वयां  
जिगु हे लासां, जि हे नापं  
मचात दनाः वयाच्चवन  
बुढातय्गु तुतिया घाः ख्वत स्वयाः  
छ्यंया हिख्वंत स्वयाः  
चाःगु लुखा !  
तःब्याःगु लँ ! च्वया जक तःगु पःखाः खंपिं  
जिगु देशयात,  
खः खःकथं हे छापय् याना क्यनेफुपिं  
थः थः हे स्वयम् देय्या परिचयया  
अर्थपूर्ण आखःगवः जुयाः दनेफुपिं ।  
थासाया गलत आखःतय्सं  
म्येया गलत शब्दतय्सं  
गन तक थव मचातय्त न्हयःसु ताः हाकेके फइ  
चाया ताताःहाकःगु ल्हाःतय्सं,,  
जिं पीगु थुलि हे जक खः थौं  
थःगु समयया लुखां जिगु देशयात ।

(कुलां ७:६:११०१:२०३८)

### इनाप

ख्वप नगरपालिका पाखं पिथाडः च्वंगु ख्वप पौ बः छि पौ खय् बांलागु च्वसु  
त बियो र्वाहाली याड़ दिसँ । उगु रचनाया ल्य ज्या याड़ पारिथ्रमिक बियगु  
खाँ ख्वप नगरपालिकाया २०७७ श्रावण २६ गते च्वंगु बैठकं  
क्वः छ्यूगु खाँ ब्याक च्वड़ा ।

सम्पादक  
**ख्वप पौ**

सचिष्ठ स्वीखुगृहु ख्वप पौ, बःष्टि पौ(पाक्षिक)

## रति रागया सिन्हाज्या

आशा कुमार विकंबरजार

सिन्हाज्या वानय त्यलला ल्यासे तता  
जिता नं ब्वना यनिला ?  
वा पिय मन्याडा, ज्यामी जुय मन्याडा  
बजि जक हेयकः नयता वला धाइला ?  
सितिनखा या व नयवं सितिं साति वापिज्या यासां निसें  
सिन्हाज्या लयया थी थी म्येंत छुडः है। प्वाचा पु पु म्वाम्हा  
स्याय् धाधां वाप्यूप्यू सी म्वाक्य॒ धाधां छगू रसंजःगु सिन्हाज्या  
न्ह्याकी। जेठ्या टन्टलापुर लिभालय् बुँपाज्या याडः लपा क्वयकरु  
म्हाय॑ असारया वफूतिं सिचुक बियवं चं चं धःगु मन ज्वडः ज्यापु  
ज्यामिया लसतां अथें अथें हे म्यें श्वइगु जुल। वापिज्या कुसां  
कुयो, क्वलह॑ जाय्क वापिज्याया बजी कुबियो, थीथी धासा नपां  
थी थी रस रद्गया सः पिज्वईकी। छाय् धःसा असारया  
सिन्हाज्या मयाकं मंसिरया सामाज्या याय् फै हे मखु अथे धाय्  
असार मपिक मंसिर लय दैमखु।

प्रकृतिया सृष्टिकाल, धात्थें प्रशव व्यथाया गृष्म फयों,  
न्हम्हा मचाया ख्वः स्वयो तस्कं कष्टगु प्रशव व्यथा तांकः चकांगु  
ख्वःथें असार न्ह्यलः न्ह्यलः प्याहाँ वै। आकासय् गद्याडः-  
गुदुड द्यो डालय् वं बुहीम्हा अजिया मनं क परमेश्वर गातिं दांक  
वा दक फ्वनि। अलय द्वलय मचुइक तलय तारय् वापिय दैमखु  
धाधां बेमेलया खाँ खय् मेलया ध्वः कियो भ्वः भ्वः लाक  
वापिज्या न्ह्याक है। गनां माथां पुइकः, गनां छ्वःपु पुइकः  
अलय गनां ताकी थुडः नकतिनिया ल्याम्होचापु न्हैंगु पुस्ताता कु  
ज्वडः ज्या सानय् गु स्य॑ स्य॑ छ्यलः है। आना थाकु स्वयो नाःया  
छ्वाम्प्लाड, छ्वाम्प्लाड सलय थःता तांकः गनां थः ज्वलिं ज्वपु  
ल्यासे मय्जुपु वा पिडः च्वंथाय् चापाय॑ तिडः नाखं छ्वाकी बलय



वापिड च्वंपिसं हिसीं जःगु खाँवलं लिसःबियो गुब्लें चां क्यक,  
भेटें छ्वाकः म्हितिगु रसरंग व हिसी व ल्यासेसु भय व्यूगु पहलय्  
छम्हा नं गुम्हा हाय्क ज्या सांगु थाकु गना गना पूइक यंकी। वहे  
लुमन्ति वहे सम्भना गनां इहिपा जुयो वै। वहे वाया बजी ल्हूयो  
भ्वय॑ डायकी। पायं साति वालय् ज्या जक मखु पायं खुनुं पायं  
न्ह्याक न्हैंगु त्यपु जीवन हानिपिनिगु भ्वःधःसा अःसालयो वानय्  
धुकल।

गा च्वतं ग्वाली स्व, पतासी नं पाली स्व  
छ्यो वगु चम्पा स्वःनं ख्वालय भ्व भ्व पु  
तुलसी माया त्वलतय् मफया  
जितानं ब्वना यनिला ॥

मौशमं मन्या मन हिडः बिडः। प्रकृति हवय॑वं मन्तूं  
ऋतुया खाँ क्वःछिई। सिमाय् भ्वाप्प च्वंकः भुप्पा भुप्पा  
सिन्हाज्या स्वं हवय॑वं सिन्हाज्या न्हम्हा भौमचा व थे वैगु जुल।  
उकिता लसकुस याय्ता कू पायँबी, वापिज्या कुसा ज्वहः याई।  
वापिज्याया थ्वँ, बजी, धासात तयारी याई। अलय ना: खं ग्वागु  
ख्वालय नाखय थ्वकिम्हा माकचाया मचा ब्वलाडु वांगु छ्यो  
सिन्हं तिडः थःता छाय् पिई। केहें मयजु पिसं। अलय चम्पा स्वं  
ख्वालय भ्व भ्व पुइकः छ्यो वै छगू यैवनया लुखा चाय्क थे।  
मुसुकायो प्याहाँ वै रतिरागया सिन्हाज्या। अथें अथें जुकःतःगु  
नाः जः थे मनय् लसता जायो वै। अलय् सिन्हाज्या ज्यामि जू  
वानय् या लय्ता व वाध्यताया म्य॑ पिज्वई-

गोपाल धनी, पानय् मते थनी  
सिन्हाज्या वानय् त्यना न्हां ॥ धु ॥  
जात जि ग्वाली, लसिकल मसियानी

छि चित बुझे जिनं याय मफू  
पनेरे मते धनी, विनति याय् थं नि  
सिन्हाज्या वानय् त्यना न्हां ॥१॥

थुगु पुलांगु सिन्हाज्याया म्ये खाँ सियदः।  
सिन्हाज्याया महत्व गुलि दः धाय् गु। बुई नाखं दानकी  
छ॑ मनू सीसां वापिज्या कुसां तपुयो बुई वापिज्या नि  
याय्म दक बाज्या पिसं धायो तकगु खाँ तस्कं ज्ञान  
वर्द्धक मधःसे मगा। सीम्हा सीय धुकल। ख्वयां  
हालां ल्याहाँ वै मखुत। वापिज्या याय् मखांसाःल्यंदःपुं  
परिवार फुक्क सीइ अथे धाय् नयमखानी। उकिं  
वापिज्याया हःनय् माया, मतिना अलय मनू सीगु तक

## सचिद्धृत स्त्रीखुगूगु ख्वप पौ. बःष्ठि पौ(पाक्षिक)

हे तुच्छ याडः पृथर्पिसं धायो तकगु मखु धाय् मछिं थें चवं । प्वाथलय् नकतिनि श्वकपुं बुईचात तिंति न्हयो बिसेजुई । अलय नकतिनि श्वकपुं कमिचा तय्ता नसा मालः नय्गु स्यनय्ता मांपिसं वा बुई ब्वड है । अलय ब्वहचां नं मचा बुइकः दोवी माल नयगु वं वाबुई स्यनय् है । थुकाथं थी थी की निसें व्वः, कमिचा, ब्वहचाया मचात लिसें मनूया मचाततं थुब्ले छ्यलय् है । बहाम्हा बाज्यां प्वाचा पुई, बुहीम्हा अजिं बजी इडः नकी, वा पिई ल्यासे ल्यान्हो पुं कू ज्या व वापिज्या याई । बःचा हिपुं मचातय्ता प्वाचा ल्ययकी । सुंसुं हे सुंकः च्वनय् मरु । दें न्हयो दें तइम्हा छम्हा इच्जिनियरथें । हकातं लिकातं (ककालं) चा पुइकिम्हा छम्हा कालिगढ थें, भवः भवः लाक वापिद्विपुं छम्हा कलाकार थें, अलय माथांक, उथिग्यकः सःहवलिम्हा छम्हा मेनेजरथें फुक्क फुक्क थःथःगु थासय विशेषज्ञ थें । सुं सुयाता खिय म्वः । धाय् म्वः अलय लयता पिमज्वः सा मेगु छु पिज्वर्व ? अकिता इलय ब्वलय भःदिकः स्वमाचा थास्वकः न्यासी भ्वलुकी । भाचा अपः स्वःमा हायक पुं ध्वब्वा पिसं गुब्ले गुब्लें थौ कन्हेया राय्पर तयसं स्वयो हिसी दय्कः भौ काई, अशिललता दुनय् शिललतां भय विइकः । गुब्लें मिसामचातय्ता ध्वचा नकी । तं स्वयो न्हयलः पार याई । गुब्लें थी थी थाय्या चाया गुणया खाँ न्हिथानी छगूकाथं भूगोलया ज्ञान बिई । भू धरातलया खाँ न्हगु पुस्ताता न्यंकः च्वनि मानौं व छगू पाठशाला नं खः । ‘तेखा न्हसी द्वायँ द्वायँ, दुसी मारी स्वायँ स्वायँ’ गनां नसाया खाँ न्हिथाडः ध्वचाया कसा नकीगु भी पुर्खां त्वःतगु अमूर्त सम्पदा अःताडः हे वान धःसां पाइ मखु ज्वी । गुकि याता म्वाकः, लिपुकः हयता अध्ययन अनुसन्धान याय् माली । गुकीं भीगु म्हसिइका, उब्लेया इतिहास, अवस्था फुक्क फुल्क पिज्वर्व ।

असारया लिभालं क्वयकः विइगु इलय् भुलुभुलु व बइबलय् काचाकुचु कुसां कुयो वालाफ्वाला जुइगु नं छगू सुलाकासा थें हे ताय्की । अलय् गुब्ले नकतिति सःगु क्यातुगु तुसी छक्व छक्व तःनुलांकय्ता नकय् हैगु नं अमूर्त हे नकय् हःगु थें ताय्की । व नपां ख्वला थिडः स्वमा भ्वलुकिगु लू जक मखु सबः स्वइगु नं उलि हे भः भः धः । माघ बलय् हे थुयो तैगु वापिज्या थवं या देति गुलि सबः नपां छाइगु खः उली हे उकिया महत्व नं नेवः समाजय दः सां अः धःसा थथे मजुय धुक्ल । वहे थर्व या बलय् अपलं ज्या न्हयाकः धरती वाउकिगु ईः सालुयो वान । ज्या मखु नसाजक मालः विकृति ल्यो भेट्य वतुथें न्हुँगु पुस्तां थव खाँ थुइके मफूसा छगू काथंया नसा त्वःसाया नां, ज्या, अलय विधि त फुक्क फुक्क धरतीया गर्भय् तुसुड वानि ।

थी थी धायें की सिइगु वास, देसी सः छ्यलः हःसां निसें वापिज्या बलय वैपुं वा बुं डाचा मदयो हे वानिन । अलय

सुप्पा ताडः हे वानला धायें चवं । व स्वयो खानय् हे मदयो वां पुं सिद्धगी डा, गुम्हासिं लाय तां फिन्ता तियो विसे वानिम्हा मदयो वान धःसां मपा । अथे हे छुपें नं दायो चिकु ज्वः व्यक्त दाय् फःम्हा धःम्हा भ्वडा नं थाना मदयो वान । गना भीगु थःगु वापुसा त मदयो वाना । आना नं बुलुहुँ भीगु पहःया वापिज्या नं ताडः वाना अलय अजिपिसं छुडः हालः सिन्हाज्या ज्यंकिगु नं मदयो वान ‘व वर्व मताया, कुसा ज्वड मवया व वर्व वलय वानयं आना सिमा क्वय’ व वगु व कुसा ज्वड मवयागु त्वह तयो सिमाक्वय वनिगु छगू रसरंगया म्ये जक मखु मेदखय् ध्वं नकिगु नं चलन दु । गुकि छगू काथंया हाथ्या नपां मिसा मचा तय्ता हिस्याड हाय्किगु नं चलन खानय् द ।

वापिडा छपिचा, ज्यामि वम्हा धेपचा

व धेपं बजी नला पिचां छपिचा

वापिडा लाँसी ज्यामी वम्हा भ्वासी

भ्वासि मिसां बजी नला पिचां छपिचा ॥

लोक म्यै दुनय् समाजया ख्वःपा दै दक गुरुवर सत्यमोहन जोशी जुं ब्वंकंगु खाँ कुसा कुतिं थें कुल स्वयबलय् धात्यें मु खाँ आना लुयो वै । गना स्वस्वं, अनुभवया कुईखय् ताडः, ई नपांया कराही खय् खुडः, मनया धचां सांकः स्वयबलय् धात्यें हे छगू समाजया किपा लुया वै । गुगु थैया न्हुगु पुस्ताता बाखं थें जुयो वल । अलय लोक साहित्य दुनय् द्वावाल स्वयगु खःसा थुकिया च्वमि लुयो मवसें समाजया ख्वपा लुयो वै ।

व अथेहे गनानं गनानं वा बुई अथें बुयो वथें समाजं पिज्वगु खः दक मधःसें मगा । उकी लोक साहित्य, लोक संस्कृति फुक्क फुक्क पहः दुनय् भी पुर्खाया ज्ञानया मता च्या । थःम्हा कुल देवता पुजा याडः वाखु क्वकाय्गु, लक्ष्मी पुजा बलय् न्हुँगुवा पुजा याइगु, योमरी छुडः, न्वागी नैगु । चतामारी, मुटु मारी छुडः नैगु जक मखु, मनु सी बलय् तायें सियो तायें हवल यंकय् मगुलिं थव अन्न मू अन्न काथं नेवः समाजय, स्वनिगलय कायो च्वंगु खानय् द । अन्न बहांज्या याडः जिचाभाजुता स्वंकु कुविइक खल्हें हैगुलि थुकिया महत्व भन च्वजः धाय् फः । उकिं वापिज्या बलय द्व (द्यो) स्वाडः धेबा छायो सम्मान याइगु नपां भेटे छ्वाकः रसरंगया ज्या याइगुलिं धायफः धन्य खः रसरंगया सिन्हाज्या । छगू सभ्यताया विकासया ध्या, मनु मनूयाता मनु जुयगु स्यंम्हा रसंजःम्हा सिन्हाज्या म्हेगः गथे खः थौं नं अथेहे जुयेमःगु अलय् कन्हे नं अथेहे याडः ल्यंकः त्यःफःसा बुद्धिमानी जुई ।

## ख्वप नगरपालिकाया ज्या भवः त

### विदेशीतय्गु भरय् च्वंगुलिं बौद्धिक शक्ति ताड वान

असार २ जाते



ख्वप नगरपालिकापाखं चाय्कः तःगु ख्वप इञ्जिनियरिङ्कलेजय् स्नातकोत्तर तगिंया अर्थक्वेक इञ्जिनियरिङ्क व अर्वान डिजाइन एण्ड कन्जरभेसन विषयलय् भर्ना जु वपुं ब्वनामिपिन्ता लसकुस व अभिमुखीकरण ज्या इवः सं मूपहाँ नेपाल मजदुर किसान पार्टीया नायो भाजु नारायणमान बिजुक्छँ (रोहित) जु ब्वनामिपिसं अध्ययन अनुसन्धानय बः बिय मःगु नपां देश व जनताया सेवा जुइगु ज्याखय् जुय मः धायोदिल ।

अध्ययन अनुसन्धानय तः लापुं ब्वनामिपिसं देशया लागिन तं सेवायाय् फैगु खाँ व्याकसे व्यक्तलं अजपूं ब्वनामिपिसं मन तं च्वजाइगु खाँ काडः दिसे थःगु देशता स्वयो कलया देश याडः बिइगु बानीखं बौद्धिक शक्ति म्हवचा जुयो वांगुलि चिन्ता प्वकः दिल ।

देश बल्लाकक, बालाक हछ्याय्ता सरकार है हदाय च्वडः ज्यासानय् मःगु खाँ काडः दिसे व्यक्तलं चीनया प्रगति पंगः थानयता प्यख्यरं चीनता आक्रमण याय् अमेरिकाया नीति खोटागु खाँ काडः दिल ।

भीगु देशता ल्वःगु निर्माणता, ग्वाहाली याय्ता नेपः या भौतिक अवस्थाया अध्ययन अनुसन्धानय बः बियमःगु खाँ व्याकसे व्यक्तलं नेपः मि व विदेशीया ज्या तस्कं पागु खाँ काडः दिल ।

कलेज सञ्चालक समितिया नायोनपां ख्वप नगरपालिकाया प्रमुख सुनिल प्रजापति जुं कलेजय तातुना कायं

भिंगु बालागु शिक्षा बिय् गु, देशभक्त नागरिक ब्वलांकय् गु अलय् सक्षम प्राविधिक ब्वलांकय् गु ज्याखय् अपलं तःलाय् धुकंगु अः पूवांक तः लाक्यता सकलिसिनं थःथः गु थासं दत्तचित्त जुयो ज्या सानय् मःगु खाँ काडः दिल ।

बौद्धिक शक्ति विदेशय वांगुलि सरकार है दोषी खः धायोदिसे व्यक्तलं संयुक्त राष्ट्र संघं २०३० स् हलिमय गरिवपुं मदय्केगु खाँ क्वःछ्यू सेलिं चीनं २०२० य् है गरिबत मरुगु क्वः छित, गुगु चीनया समाजवादी राजनैतिक बन्दोबस्तं तःलागु खः धायो दिल ।

ख्वप इञ्जिनियरिङ्क कलेजेया प्राचार्य सुजन माकं अनुसन्धानया ज्याखय् घवासा जुइकेता कलेजं राष्ट्रिय अन्तर्राष्ट्रिय सम्मेलन या यां वगु २०८२ सालया माघय् जुइगु प्यकगु अन्तर्राष्ट्रिय सम्मेलनय् अपलं शोधपत्रत वैगु आशा याडः दिल ।

ख्वप कलेज अफ इञ्जिनियरिङ्कया प्राचार्य सुनिल दुवाल रिसर्च पेपर बालाक च्वपुं ब्वनामिपिसं थमनं ल्ययगु विषयसं विद्यावारिधि याय्ता अः पुइगु नपां मौका दःगु खाँ काडः दिल । ख्वप इञ्जिनियरिङ्क कलेजया उपप्राचार्य डा. सुवेगमान बिजुक्छँ उपलढिधमूलक अनुसन्धानया ज्याखय् मदिक्क हज्याड च्वनय् मःगु अजपूं ब्वनामिपिसं मेपिन्ता ध्वाथुइक कानय् फयके मः धायो दिल ।

अर्थक्वेक इञ्जिनियरिङ्क विभागीय प्रमुख डा. मन्जिप शाक्यं अर्थक्वेक इञ्जिनियरिङ्क धाय् गु स्टूक्चर सिस्मोलजि व जियोलाजी स्वाडः दय्कगु खः धायो दिल । अर्वान डिजाइन एण्ड कन्जरभेसनया बिभागीय प्रमुख निवास फैजुं न्हैंगु अलय् व्यवस्थित सहर दय्केता बिज्ञ कायं ब्वलांकिगु शिक्षा अर्वानडिजाइन एण्ड कन्जरभेसन खः धायोदिल ।

अर्थक्वेक इञ्जिनियरिङ्कया स्नातकोत्तर तगिंलय नेपाल प्रथम जुयता तः लम्हा ई. रोसन प्रजापति जूयता मूपहाँ विजुक्छँ जुं नीडाढ तका दां नपां गोल्ड मेडल (लुँया सिरपा) व लयता पौलःल्हाडः दिल ।

# चिनियाँ जनराजनैतिक परामर्श सम्मेलन, राष्ट्रिय समितिया न्वकु पाथ अर या पूचः ता ख्वपय् लसकुस

असार २ जाते



ख्वप नगरपालिकाया प्रमुख सुनिल प्रजापति जुं चिनियाँ जन राजनैतिक परामर्श सम्मेलन, राष्ट्रिय समितिया न्वकु पाथ अर या पूचःता ख्वप लाय्कु ध्वाकाय् खादा क्वखाय्क, स्वंहू बियो, तकातपुली पुइक लसकुस याडः दिल ।

नगरप्रमुख प्रजापतिजुं ख्वपया कला संस्कृति ल्यंकः म्वाकः तय्गुलि ख्वप नगरपालिकां विशेष बः याड वयो च्वंगु खाँ काडः

दिल ।

चाहू भःपुं न्वकु पाथ अर जुँ ख्वपं यागु लुमगु लसकुसया लागि सुभाय देछसे ख्वप दे कला व संस्कृतिया तस्कं तःमिगु थाय् खः धायो दिसे वयकलं थन्योगु जीवन्त सहरय् चाहू वय खांगुलिं तस्कं गौरवया अनुभव जूगु खाँ ब्याकसे चीन व नेपः या मित्रता अमर जुयो च्वनि धायो दिल । चिनियाँ प्रतिनिधि मण्डल पुचलं ख्वपया थःगु थासय् हे दय्कगु व मृतिका कलाया खाँ न्यडः दिल ।

उगु पुचलं ख्वपया ऐतिहासिक व सांकृतिक सम्पदा लायकु लागा, तालाक्व, तःमारी जुयो फसि देगः (शिलु महादेवया देगः) क्वथिइक स्वयो दिलल । उगु इवःल्य् नेगूं पक्षं मतिनाया चिं लः ल्हाय्गु ज्या नं यात ।

ज्या इवःख्य् ख्वप नगरपालिकाया उप पैमुख रजनी जोशी, प्रमुख प्रशासकीय अधिकृत वसन्त भट्टराई, कार्यपालिकाया दुजः पुं नं भःगु खः । चिनियाँ जन राजनैतिक परामर्श सम्मेलन राष्ट्रिय समितिया दुजःपुं छि चाल, एवई च्यून, वन सु काइड, यान च्यूइ, वाड योड्डुयी, लीन मियाओल पुं नं भःगु खः ।

## संघीयता विषय अपलं छलफल याय मःगु

असार ३ जाते

संघीयता माकता फसी न्हियकेगु थें जक जुयो च्वंगु, दः। संविधानया भावना व मर्म थुइकः संघीयता कार्यान्वयन मजूगुलि चाकु नःसां चाकु सबः मथुगु थें जुयो च्वंगु दः । उगु खाँ नेपाल मजदुर किसान पार्टीया नायो भाजु नारायणमान बिजुक्छँ (रोहित) जुं कानून अध्ययन समाज नेपाल केन्द्रीय समिति पाखं सोमबार ग्रवः ग्रवु 'संघीयता कार्यान्वयनका चुनौति र उपादेयता' विषयया विचार गोष्ठी सं न्वचु तयो द्यूगु खः ।

संसदया प्रतिनिधित्व याडः च्वंपु सांसदत मध्ये हिब्वय छब्ब हे राजनीतिशास्त्र व अर्थशास्त्र ब्वडः वपुं मखुग्रुलि सांसदपिन्ता थःगु ज्या व छुकिता हदाय तयो ज्या सानय् मः धाय्गु मसियो संविधान छ्यलयता समस्या जुयो च्वंगु खाँ काडः दिसे वयकलं प्रजातन्त्र व संघीयताया खाँय अपलं जनताता

थुइके बिय मफयो, राजनीतिक ज्ञानं सचेत याय मफयो धेवाया बलं ठेकेदार, व्यापारी, हाक्क्यापारीत चुनावय् त्याकः वयो च्वना । संसदय् अजपुं हे यक्व दः । अमिसं धायाथैं याडः च्वंगु दः धायो दिल ।

स्वीटजरल्याण्ड, अमेरिका, भारत, सोभियत संघ्य् संघीयता सफल जूसां उगु देशया भौगोलिक परिस्थिति व सामाजिक संरचना पागु खाँ ब्याकसे वयकलं बुद्धिजीवी व बिज्ञपनि दथी संघीयताया खाँय अपलं छलफल मयासें सङ्घ राज्य धोषणा यागुलिं शासकीय स्वरूपय् अःयाय्गु भद्रगोल स्थिति वगु खः धायो दिल ।

विकासयाय्ता उलि थाकुमजु अलय् मनूया मतिइ ह्यूपा ह्यता ताई बिइगु खाँ कुल दिसे नायो भाजु बिजुक्छँ जुं अपलं ज्या साडः नैपुं जनतातय्ता राजनैतिक रूपं सचेत याडः छप्पा

## सचिव स्वीखुग्रु ख्वप पौ, बःछि पौ(पाक्षिक)



छधि याय् फःसा समाजय ह्यूपा ह्यता ता ई मबिङ्गु अलय् ह्यूपा नं ता तुइगु खाँ काडः दिल ।

सांसदतय्ता विकासे कार्यकर्ता यागुलिं हे राजनीतिक नेतात व कार्यकर्तात भ्रष्टाचारी ज्यो वगु खः धायोदिसे वयकलं नेमकिपां उकीं सांसद विकास कोषया विरोध यागु खाँ ब्याकसे नेमकिपा अः तक नं थःगु अडानय् उसिकुसि मसांगु नपां देश व जनताया सेवाख्य् नेमकिपाया नेता व कार्यकर्तात याकचा जूसां ल्वाडः च्वनि धायोदिल । वयकलं न्ह्याकव हे बालागु कानून दयकसां अपलं जनतां मथू तलय् उगु कानुन छ्यलय्ता थाकूइगु खाँ काडः दिसे दकलय् तहांगु खाँ यां नैतिकता व इमानदारिता हे खः उकिं कानुन छ्यलय्ता कानुन छ्यय्किगु संस्थात सक्रिय जुयमः अलय् कानुनय् दैगु भौप्वालं (लूप हवलं) फाइदा काइगु खायঁ छ্যय्किपुं सजग जुयमः धायो दिल ।

वकिलं, दयो च्वंगु कानुनया लिंधासाय् जक वकालत याय्गुलि लिकुडः मच्वंसे ज्या साडः नैपुं जनताया पा लिडः ह्यूपाया लागिं हज्यायमः ज्यासाडः नैपुं जनताता न्याय बिङ्केता हज्याय् मः । अलय् वकिल समाजय ह्यूपा हइपुं इमानदारपुं चिन्तक जुयमः नायो भाजु बिजुक्छैं जुं धायो दिल ।

भ्रष्टाचारजक पानय फःसा अः दयो च्वंगु बच्छी समस्या ज्यंकय् फैगु खाँ ब्याकसे वयकलं २०४६ सालया ह्यूपा लिपा संविधान व कानुनं मृत्युदण्डता लिकायो छ्वसेलिं अः तः त हांगु जघन्य अपराधत अपः जुयो वगु खाँ काडः दिल ।

वयकलं संविधान जनताया आवश्यकता काथं हिलय् मः । संविधान जनताया निंति जुयमः ज्यासक पार्टीतय्सं गां गामय् सिंह दरवार थ्यंकय्गु स्वयो गां गामय् भ्रष्टाचारीत

ब्वलांकिगु परिस्थिति दय्क हःगु दः ।

कतया तुतिख्य् मखु थःगु हे तुतिख्य् दाडः विकास याय् मःगु नपां जनताता अनुशासित याय्ता हज्याय् मःगु खाँ ख्य् वयकलं बः याडः दिल ।

ख्वप नगरपालिकाया प्रमुख सुनिल प्रजापति जुं नेमकिपां नेपालय संघीयताया खाँ चर्चा जूगु इलय स्वायत्तता व विकेन्द्रीकरण बालाक छ्यलय फःसा संघीयता मः धाय्गु मह धाय्गु बिचः प्वंकः वगु गुगु बिचः अः तक नं उलि हे सान्दर्भिक जूगु खाँ ब्यवहारं क्यडः च्वंगु दः धायोदिल । संविधान स्थानीय तहता ब्यूगु

अधिकार नपां संघ व प्रदेश सरकारं लुटेयाडः कायगु कुतः याडः वगु, संविधान व संघीयताया मर्म व भावनाया अखः खः धायोदिसे वयकलं विकास निर्माणय् खर्च जुइगु धेबा स्थानीय तह पाखंयाक्य् मः धायोदिल ।

बडास्तरीय चिच्या चिच्याहांगु विकास निर्माणया ज्या नपां संघ व प्रदेशं याडः च्वंगु दुःख्या खाँ खः धायोदिसे वयकलं शासक पार्टीया नेता कार्यकर्तात देश व जनताया सेवा स्वयो थः गथे च्वय् वानय्गु ? गथे जिङ्केगु जक स्वयो ज्या साडः च्वंगु दः धायोदिल ।

वयकलं राजनीति बालासा देश दूर्घटनाय लाइगुलिं धात्ये ख्यक राजनीति याइपुं इमानदार व स्वच्छ जुयमः धायोदिल ।

नेमकिपाया केन्द्रीय दुजः नपां बागमती प्रदेशया दुजः सुरेन्द्रराज गोसाई जुं नेमकिपां संघीयताया खायँ हिदा हाँ हे अपलं छलफल याय्ता बः यागु खाँ कुलदिसे संघीयता छ्यलय् हाँ अपलं छलफल याय् मःगु पक्ष नेमकिपा दःगु खाँ ब्याकसे शासक पार्टी याय्पु संघीयता छ्यलय्गुलि इमानदार मजूगु विदेशीया इशाराय् जुयो च्वंगु नपां च्योबुद्धिया बौद्धिक दासतां याडः दे भन भन समस्याय् तः क्यंगु खाँ काडः दिल ।

ज्या इवः सं कानुन अध्ययन समाजया नायो राम प्रसाद प्रजापति व दुजः मनज ज्याख्वं सङ्घीयता छ्यलय्ता पंगः व उपदेयता विषय प्रस्तुतीकरण क्यंगु जुल ।

ज्या इवः सं रवसाखलयया न्वकु शिवराज दाहाल, राधेश्याम सुवाल व राजेन्द्र सुवालं नं न्वचु तयो द्यूगु खः ।

## शैक्षिक व प्रशासनिक पक्षया बारे सुभाव मुंज्या

असार ३ गते



खप कलेज अफ इञ्जिनियरिङ्ग ग्रसालय सोमवार स्थानीय मनूत मुंकय्गु ज्या इवः कलेजया सभाहलय क्वचाल ।

कलेजया शैक्षिक नपां प्रशासनिक ज्या इवः याय् खायঁ सुभावत मुंकय्ता ग्रसःग्रगु उगु मुंज्याय् कलेज सञ्चालक समितिया नायो नपां खप नगरपालिकाया प्रमुख सुनिल प्रजापति जुँ इञ्जिनियरिङ्ग कलेजता देयाय् हे च्वजःगु अनुसन्धान केन्द्रकाथं हज्याकय् म.गु खाँ काडः दिल ।

वयकलं अपलं ब्वनामिपुं च्वय् थ्यंकया शिक्षाकाय्ता विदेशय् ब्वँ वानय्गु लहर वयो च्वंगु अलय् वांगु हिलादुनय्य ९५ अर्बतका स्वयो अपः धेबा विदेशय् वांगु ल्या पिब्वसे ब्वनामिपित्ता भीगु देशय हे बांलागु भिंगु शिक्षा वियगु सरकारया नीति वयमःगु खाँ काडः दिल ।

वयकलं जनताता अः पुक बांलागु, भिंगु शिक्षा बियता २०५६ सालय् खप उ.मा.वि. निः स्वांसे वनलिं छसिकाथं च्यागु कलेजत निःस्वाडः न्ह्याकः च्वंगु खाँ काडः दिल ।

भीसं ज्या स्वयगु, व्यवहार स्वयगु, ज्या सानय्बलय् मचः मगा नं जुयफ धायोदिसे वयकलं आलोचना आत्मालोचना जुयमः आलोचना खाडः ग्याडः मखु बस ल्हवडः हज्याय् मः धायो दिल ।

मेडिकल कलेजनपांया खप विश्वविद्यालय निः स्वानय्ता स्वीकृत बिय मःगुलि खप विश्वविद्यालय विधेयक अर्थमन्त्रालयसं

थाडः च्वंगु खाँ न्हि थांसे वयकलं जनताया सेवाया लागिं खप विश्व विद्यालय १५ लाखं हे एमबीबीएस ब्वंकय्गु खाँ काडः दिल ।

धेबा मदयो आर्थिक रूपं कमजोरपूं ब्वनामिपित्ता खप नगरपालिकां डागू लाख तका तक दां सहलियत भवं त्याय बियो शैक्षिक क्रृण काथं ब्यू ब्यूं वयो च्वंगु अःतक खय् ६०० म्हा ब्वनामिपुं उच्च शिक्षा ब्वडः च्वंगु खाँ कुलः दिल ।

ज्या इवः सं कलेज सञ्चालक समितिया दुजः नपां वडा नं ९ या वडाध्यक्ष रविन्द्र ज्याख्वं खप नगरपालिकां जनताया सेवा सुविधाया लागिं थी थी आवास योजना न्ह्याकः च्वंगु खाँ काडः दिल ।

लिबाली आवास योजना खपया छगू शैक्षिक गन्तब्य जूगु खाँ ब्याकसे वयकलं खप दे ज्ञान विज्ञानया मू थाय् दयकेता खप नगरपालिकां ज्या साडः वयो च्वंगु दः धायो दिल ।

स्थानीय जनताया ग्रसुलागू सल्लाह व सुभाव कलेज हज्याकय्ता मदय्क मगागु खाँ कुल दिसे वयकलं सल्लाह सुभाव फ्वडः दिल ।

कलेज सञ्चालक समितिया दुजः नपां द नं वडाया वडाध्यक्ष कृष्णप्रसाद कोजुं इञ्जिनियरिङ्ग कलेजया प्राविधिकपिसं जनता नपां भेलय् पुडः विकास निर्माणया ज्याख्य् लाहापा स्वाडः हज्याय् मः धायोदिल ।

खप इञ्जिनियरिङ्ग कलेजया प्राचार्य ई-सुजन माकं इञ्जिनियरिङ्ग कलेजया तहागु योगदानया खाँ कुलदिसे सकलासिया साथ व ग्राहाली शैक्षिक गुणस्तर च्वजाजां वगु खाँ काडः दिल ।

मेम्हा कलेजया प्राचार्य ई सुनिल दुवालं स्थानीयवासी पिनिगु समूदाय खय् न्ह्याक च्वंगु कलेजता बांलाकय्ता स्थानीय पिसं स्वयमः धायो दिल ।

ज्या इवः सं प्रशासन शाखा प्रमुख सञ्जय मानन्धरं नं न्वचु तयो द्यूगु खः सा आना भायो द्यूपुं स्थानीय वडाबासी दाजुकिजा तताकेहैपिसं कलेजया शैक्षिक अलय् प्रशासनिक विषय सुभाव बियो दिल ।

**नगरपालिका भीगु हे संस्था खः  
इलयहे करपुल ग्राहाली याय्नु**

## ख्वपय् भ्रमण

असार ४ जाते



जनवादी गणतन्त्र चीनया सर्वोच्च अदालतया न्यायाधिश माननीय लिउ, कुईसियाड्ग ख्वपय् भ्रमण भःगु जुल । वयकपिन्ता ख्वप नगरपालिकाया प्रमुख सुनिल प्रजापति जुलसकुस याडः द्यूगु खः ।

सचिव स्वीखुगू ख्वप पौ. बःष्टि पौ(पाक्षिक)

## अप्रेशन न्ह्याकल

असार ४ जाते



ख्वप नगरपालिकापाखं चाय्क तःगु ख्वप अस्पताल थै निसें ल्यापरोस्कोपी सर्जरी (दुरबिन याइगु शल्यक्रिया) पाखं पित्त थैलीया पत्थरीया अपरेशन सुर्यात । नपां आइ सि यू नं ब्रम्हायणी भवनं न्ह्याकिगु खाँ स्रोतं धःगु जुल ।

## ख्वप नर्सिङ्गाय फुक्क पास

असार ५ जाते



नर्सिङ्ग, न्हपांगु दँ या नतिजा प्याहाँवल । ख्वप बहु प्राविधिक अध्ययन संस्थानय् शतप्रतिशत अथे धाय्गु फुक्क हे पास जुल । स्वीनेम्हा विशिष्ट श्रेणी सं पास जुगु खः ।

प्राविधिक शिक्षा तथा व्यवसायिक तालिम परिषद (सीटिइभिटी) पाखं नर्सिङ्ग न्हपांगु दँया परीक्षाफल मंगलवार

पिकःगुख । परिषद २०८० मंसिर महिनाय् कःगु परीक्षाया नतिजा पिकःगु खः । गुकी ख्वप नगरपालिकापाखं परीक्षा ब्यूपुं फुक्क पास जूगु खः । ख्वप बहुप्राविधिक अध्ययन संस्थान पाखं नर्सिङ्ग न्हपांगु दँ या परीक्षाखय् मुक्क ३९ महासिनं परीक्षा ब्यूगुलि परीक्षाब्यूपुं सकल ब्वनामिपुं उत्कृष्ट अड्क कायो पास जुगु खः ।

उगु परीक्षासं ख्वप वहु प्राविधिक अध्ययन

संस्थान न्हपांगु दँसं ब्वनामिपिसं हःगु ल्या या उच्चतम अड्क द९.६ प्रतिशत दःसा म्हवचाखय् (न्यूनतम अड्क) ७०.५ प्रतिशत दः ।

परीक्षासं दुतिंपुं मध्ये ३५ म्हा ब्वनामिपुं मध्ये ३२ म्हा सिन विशिष्ट श्रेणी खय् पास याता धःसा ७ म्हा पहिली श्रेणीखय् पास जूगु खः ।

## स्थानीय तहता संघ, प्रदेशं क्वत्यलय मज्जू

असार ७ जाते



नेपाल मजदुर किसान पार्टीया छ्याङ्गे तपां संघीय सांसद प्रेम सुवालया मू पाहाँल्य ख्वप नगरपालिकाया हिंखुकगु नगरसभा उलेज्या याडः दिसे सहिदपिनिगु म्हागास नगरबासीपिन्ता नय, च्वनय् व पुनयगु ब्यवस्था खः धायोदिसे संघीय सरकारय् वांपु शासक दलपिसं थः थगुनिर्वाचन घोषणापत्र पू मवाकंगु खायै कुखिडः दिसे निर्वाचनया इलय् थःथःगु जिल्ला 'स्वर्ग' दय्केगु चन्न ब्यापु शासक दलया मन्त्री व सांसदपिनि फुक्क सिया धायै स्वनिगलय् छै दाडः च्वांगु दः गुकिं सरकारं गां गामय् सिंहदरबार दय्के मफः बहु अपलं गामय् यायपुं मनूतयता यैं या सिंह दरवारया चाकलीं तयहल धायो दिल। वयकलं नसा ज्वलं भारतता वियफःगु नेपः दे अः भारतं हयो नयमःगु खाँ काडः दिसे सरकारं जिल्ला जिल्लाया अन्न सझगु बुँ धाँस जाय्क तय्के बिल। थव भारतनपां खुल्ला सिमायाडः नेपः या बजार भारतया लाहातय लः वांगु खाँ ब्याकसे सांसद सुवाल जुँ २०७२ सालय् भारतया सुरक्षाकःमिं ज्वडः यंकम्हा बर्दियाया छम्हा नेपाली ल्याम्हो अः तकं लुयो मवगु खाँ कुल दिल। नपां नेपः या भूमि इलामया पशुपतिनगर निसें सप्तरीया तिलाठी व लालापट्टी जुयो नवलपरासीया सुस्ता व दार्चुलाया लिम्पियाधुरातक भारतं त्यलः काय धुक्कल धायोदिल।

सन १८१६ या सुगौली सन्धी थुख्य भारतनपां नेपः या सीमा खुल्ला जूगुलिं सन १९५० या नेपाल भारत सन्धी लिपा तेश्रो देश नपांया पारवहन अधिकार नपां लाक काल धायोदिसे वयकलं शासक दलया गुलिं सांसदपुं नेपाल भारत खुलासीमा बन्द याय् मःगु, काँबार तयमगु, जक हः जुई अथेन थः म्हाहे सरकारता ज्या याकय् फैमखु उकिं अमिगु खाँ किसियाय्गु क्यनयगु वाँ थैं ब्वसामारी जक खः धायोदिल।

सांसद सुवाल असार ६ गतेका संसदय प्रधानमन्त्री

पुष्कमल दाहालं सन् २०१४ ख्य उब्लेया प्रधानमन्त्री सुशील कोइराला व सन २०१९ य उब्लेया प्रधानमन्त्री केपी ओली भारतया प्रधानमन्त्री मोदी या सपथग्रहणय् दिल्ली वांगु खाँ न्हिथांसे थुगुसी (सन २०२४) मोदिया सपथ ग्रहण ज्या इवख्य् थः वाडागु खाँ पिब्बगु खाँ काडः दिल। प्रधानमन्त्री दाहाल दाच्छी हाँ दिल्ली वाड फुकोट कर्णाली जलविद्युत परियोजना भारतता ब्यूगु खःसा थुगुसी कर्णाली चिसापानीया ५० हजार द सय मेगावाट जलविद्युत परियोजना भारतता बियगु कुतः याडः च्वांगु दः धायोदिसे वयकलं सुगौली सन्धीख्य् नेपाली दूत जुयो वांपु गजराज मिश्र व चन्द्र शेखर उपाध्यायता भारतं छमिता भारतय् जगगा बिय धःबलय नेपः दे चिच्याक्वयक दय्कगुलि सही याडः वगु नेपः मिपित्ता धोखा ब्यूगु खः धायोदिल।

तेका, एमाले, माओवादीत नपांया सरकारय् वांपु दलतय्सं समाजवादया खाँ धःसा ल्हाइ अलय् संसदं समाजबाद वै मखु धायोदिसे वयकलं शासक दलतय्गु आर्थिक व अन्तर्राष्ट्रिय मामिला छतिं है मपागुलिं शासक दलत बिस्कं बिस्कं दल दक हाल च्वगुया औचित्य मरु धायो दिल। वयकलं प्र.म. दाहालं संसदय् थः नुवायगु धलः दःसां सत्तापक्षया सांसदपुं म्हवचा जक ब्वति कः बगुलि कुं खिडः दिल। धात्थे खय्क वयकं न्वचु तःगु इलय उपप्रधान मन्त्री स्वम्हा अलय् गुलिं मन्त्रीत आना वगु मरूगु खाँ ब्याकसे वयकलं मन्त्री तयता स्वंगु करोड तका स्वयो म्हवचा बजेटया ज्या इवः मन्त्रालयया योजनाय् मतयता ब्यूगु प्रधानमन्त्रीया निर्देशन है पालना मयागु खाँ दाहालं संसदय् धायो द्यूगु खाँ कुल दिसे थुगु इलय् प्र.म. दाहालया हःनय् नेपु लाँपु जक दः छपु थः गु निर्देशन पालना मयापुं मन्त्रीतयता लिकायो छ्वयगु मेगु थमनं प्रधानमन्त्री राजिनामा यायगु जक खः धायोदिल।

माओवादीया प्रम दाहालया ३२ म्हा सांसद जक दःगुलिं अपलं सांसद दः पिसं सरकार दय्केता ग्वाहाली यापिसं तेरे मयाइगु पक्का नं जुल धायोदिसे वयकलं एमाले व नेकाया समर्थनय् पालं प, प्र.म. जूम्हा दाहालया भूमिका देश व जनताया बालागु पक्षख्य् मरु उकिं अः नं सरकार क्वः दैगु खाँ जुयो च्वांगु दः। भारतीय एकाधिकार पुँजी नेपःया सरकार इलय् ब्यलय् क्वथय्गु दय्केगु याडः च्वांगु तस्कं ग्यापुगु ज्या खः धायो दिल।

वयकलं भारतय् ज्या साडु नैपु ज्यापु ज्यामिया सरकार मवतलय नेपः दे हज्याय फैमखु अलय् भाजपाया मोदी सरकार फासीवादी जुयो दक्षिण एशियाय् थःगु लिच्चवय लाक च्वन गुकिया लिधंसाय अमिगु इशाराय् नेपःया शासक दलत पालं पः प्र.म.

## सचिष्ठ स्वीखुगृह ख्वप पौ. बःष्टि पौ(पाक्षिक)

जुयो च्वंगु तस्कं मिलय् मजु थुकि पाखं नेपः मिपुं सचेत जुयमः धायो दिल ।

सहकारी संस्थात सहकारीया सिद्धान्तकार्थं हज्याय् मःगु खाँ कुलः दिसे वयकलं समुदायया लिधांसाय् चाय्कः मतः गु अलय नगरपालिकाय् दर्ता मज्गु सहकारी संस्था चाय्के बिय मज्जूगु खाँ नपां सहकारी ठगय् यागुया खाय॑ अपलं आयोगत निःस्वान । २०४६ सालया जन आन्दोलन दमनया बिरुद्ध न आयोग दयकगु हे खः अथेन दोषी तय्ता कार्बाही मया धायोदिल । वयकलं नेपःमि पिन्ता हे बिजुली मगानी अलय प्रधानमन्त्री जू पिसं भारतता बिजुली बियो च्वना । शासकतय्सं नेपः या कोशी, गण्डक, महाकाली, कर्णाली, पश्चिम सेती, अरुण, मुगु, कर्णाली, तिला १, तिला २, थजगु भारतता मिला । अः दिल्ली त्वनय्गु ना मदयो हाहाकार जुयो च्वंगु दः । बिजुलीया नामय भारतीय एकाधिकार पुँजी नेपः या नाः थःगु लाहातय् लाकः च्वंगु दः । अमेरिकी साम्राज्यवादया सैनिक शिविर भारतय तयहः सेलिं एमसीसी सम्भौता पाखं नेपः या बिजुली भारतय् यंकय्गु कुतः ज्गु खः थुकिया विरोध नेपःमि पिसं याय्म, धायोदिल ।

वयकलं आ.व. २०७०/७१ य् सार्वजनिक क्रृण ५खर्व ४८ अर्व तका दःगुलि आ.व. २०८०/८१ खय् थूगु क्रृण २४ खर्व तका थ्यन गुकिं नेपःमि पिनिगु जीवन भन-भन स्वतिङ्गः वांगु खः धायोदिसे नेपःमि पिसं पूगु कर व विदेशी तय्कृत् त्याय्कः गु क्रृणता मन्त्री तय्सं थः ब्वाया सम्पति थें ताय्कः थःगु जिल्लाय् व थः नेताया जिल्लाय् जक खर्च यागु मेगु देशघात खः धायोदिसे स्थानीय तहया विकास निर्माण्या ज्याखय् संघ व प्रदेशं क्वत्यलय्गु स्वायत्तता व विकेन्द्रीकरणया अखः खः, प्रजातन्त्रया अखः पला खः धायोदिल ।

विकास निर्माण्या ज्यात स्थानीय जनताया ग्वाहाली व श्रमदानय् उपभोक्ता समिति पाखं आर्थिक अनुशासन, मितब्ययी व पारदर्शी ढुङ्गं क्वचाय्केगु ज्यात स्थानीय तहं हज्याक यंकय्गु मः धायो दिसे वयकलं डागू खर्वतका खर्च याडः ‘काठमाण्डौ वारा द्रुत मार्ग’ दयकेगु अलय भारतं दाल, जाकी, तरकारी नेपालय् हयगु सरकारया तातुना गलत खः धायोदिसे छ्गू वस्तीया चाकलीं कृषियाय्गु बँ हरियाली, मनोरञ्जन पार्क, फोहर छ्वय्गु धः व फोहरमैला थासय लाकय्गु ज्या जुयमः । स्वनिगलय् च्वं वय्गु दिकसा द्रुत मार्ग दय्केहे मःगु मखु धायो दिल । वयकलं दे माथावांक विकास याय् मफूगुलिं स्वनिगःया १८ पु खुसी सीगु खुसी थें जुय धुक्कल धायोदिसे संघीय सरकारया बेट कृषि, शिक्षा, ऊर्जा, स्वास्थ्य, पर्यटनय् हदाय तयमःगु भीसं सुभाव बियागु खाँ काडः दिसे संघीय सरकारया ज्याया धलः यक्व - यक्व दःगुलिं छ्यलय् मफैगु शड्का याडः च्वंगुलिं स्थानीय तहं

म्हवचा जक ज्याया धलः पिकायो ज्या पूवांकय् मः धायोदिल ।

सांसद सुवालं शिक्षानपां ज्या नं बियफःसा नेपःया ल्यासे ल्याम्होपुं विदेशय् छ्वय माली मखु । सोभियत संघय् अजगु ब्यवस्था दःगु आनाब्वडः वपुं ब्वनामिपिसं धःगु खाँ कुल दिसे अः देशया गुलि नं अस्पतालय् स्वास्थ्य उपकरणत मछ्योसें स्वथाडः तयो तःगु खाँ प्याहाँ वयो च्वंगु बुइँ, हवलय्ता सः मरुगु अलय् तातोपानी नाकाय् सः स्वथाडः तःगु बुखाँ प्याहाँ वयो च्वंगु दः । गिरिबन्धु टि स्टेट भापाया सर्याँ बिधा हदबन्दी स्वयो अपः सरकारी जग्गा मियो छ्वगु खाँ ख्वय मलाकं भारतया योग गुरु धायो तःम्हा रामदेवया पतञ्जलीं काभ्रेया स्वस पि स्वयो अपः सरकारी जग्गा मियो प्लटिङ्ग यागु खाँ प्याहाँ वल । स्वार्थ मरुगु सरकारं जूसा चच्छी निच्छीया दुनय थजगु समस्या ज्यंकय् फः धायोदिसे सरकारं येँ थँब्हीया सरकारी कमलपोखरी ब्यक्तिया नामय् दर्ता याकः हिंडाता जःगु व्यापारी भवन दयेकेगु ब्यूगुली जनतां विरोध याडः च्वंगु दः धायो दिल ।

वयकलं सामाजिक सुरक्षा भत्ता काइपुं थाकालीपुं जेष्ठ नागरिकपिन्ता राष्ट्रिय परिचयपत्रया लागि वडा वडाय् किपा कःगु अलय् स्वापु दःपुं ठेकेदारं गृहमन्त्रालय पाखं धेबा नं काय् धुक्कगु जुल । अः गृह मन्त्रालयं विवरण लुइके मफुता धायो थाकालीपुं जेष्ठ नागरिकपिन्ता जिल्ला प्रशासन कार्यालय सःत किपा काय्कः च्वंगु खाँ मिलय् मजुदक जिमिसं संसदय् नुवाडागु खाँ काडः दिल ।



ज्या इवःसं सभाया नपां ख्वय नगरपालिका प्रमुख सुनिल प्रजापति जुं आ. २०८१/८२ या नीति व ज्या इवः पिब्वसे ख्वय देया चाकलीं विकास याय्ता नगरपालिकां यागु छ्गू छ्गू ज्याखय् नगरबासी पिनिगु साथ व ग्वाहाली दःगु खाँ कुल दिले नगर विकासया लागि न्हपानिसें अःतक थी थी भूमिकाय् च्वडः खानय् दय्क व मदयक साथ व ग्वाहाली याडः द्यूपुं सकलसिता ख्वय नगरपालिका पाखं सुभाय् देश्यो दिल ।

## सचिव स्वीखुग्रु ख्वप पौ. बःष्टि पौ(पाक्षिक)

ख्वप नगरपालिकां संविधान कानुन ब्यूगु अधिकार दुनय् च्वडः ख्वपया जनताता भिंजुइगु ज्या ज्वडः हज्याड वयागु खाँ ब्याकसे वयकलं स्थानीय निर्माणं राष्ट्रिय स्तरया सेवा वियगु भावना काथं ज्या साडः वयागु नपां निर्वाचन घोषणापत्र काथं जनताता वियगु बचं छगु छगु याडः पूवांकय्गु काथं हज्याडः च्वडागु दः धायोदिल ।

प्रमुख प्रजापति जुं संविधानया भावना व मर्मया अखः स्थानीय तहता कानुन बियो तःगु अधिकार नपां संघ व प्रदेशं छगु छगु याडः लाक काय्गु कुतः याडः च्वंगुली संघ व प्रदेशय् च्वंपु सरकारयाय् पिन्के एकात्मक सोच दःगुया लिच्चवः खः धायो दिल ।

उप प्रमुख रजनी जोशी ख्वप नगरपालिकां थीथी लाहातय् ज्या दैगु तालिम, युवा उद्यमशील ऋण बियगु, गुर्की ल्यासे ल्याम्होपुं व्यवसायी यायता मन क्वसायक वयागु नपां नगरपालिकां विइगु सेवा सुविधाता प्रविधिमैत्री द्यक्गेगु कुतः जुयो च्वंगु खाँ काडः दिल ।

नगरय् शान्ति सुरक्षा अज बालाक्यता नगर प्रहरीया व्यवस्था याडागु नपां नगरपालिकाया कर मुना, नक्सापास, आर्थिक व प्रशासनिक व्यवस्थात नपां सफ्टवेयर छ्यलः प्रविधि मैत्री सेवा प्रवाहया व्यवस्था यायता कुतः जुयो च्वंगु खाँ न वयकलं काडः दिल ।

जिल्ला प्रशासन कार्यालय भक्तपुरया प्रशासकीय अधिकृत अशोक कुमार पोखरेल जुं नगर सभा तः लायमः धायोदिसे जिल्ला प्रशासन कार्यालय पाखं राष्ट्रिय परिचय पत्र इडः बियो च्वंगु नपां जिप्रकां बियो वयो च्वंगु सेवाया खाँत काडः दिल ।

भक्तपुर उद्योग वाणिज्य संघया नकीं मय्जु रोशनी धौबञ्जारं भक्तपुरया सेवा प्रवाह व विकास निर्माणया ज्या देशया लागि ब्वस्यलागु खाँ ब्याकसे ख्वप नगरपालिकां जनताता

भिं जुइगु ज्या यासे फुक्क लागाय् पारदर्शी व आर्थिक अनुशासनय च्वडः ज्या याड वगु दः धायोदिल । ख्वप अस्पतालया निमित्त मेडिकल डाइरेक्टर डा. मजेशप्रताप मल्ल जुं ख्वप अस्पतालमा गरिमा च्व जः जं वाडः च्वंगुलि गौरब तायकागु खाँ ब्याकसे थै निसें ब्रह्मायणी भवन आइ सि यू चाय्केगु नं खाँ काडः दिल ।

ख्वप कलेज अफ ल या प्राचार्य इ. सुनिल दुवालं ख्वप नगरपालिका पाखं चाय्क तःगु कलेजं गुणस्तरीय शिक्षा बिङ्केता शिक्षक, कर्मचारीपिन्ता तालिम बियगु नपां च्वय थ्यंक्या शिक्षा ब्वंकय्गु व्यवस्था याडः वगु खाँ काडः दिल ।

उगु उलेज्या ज्या इवः सं ख्वप नगरपालिकाया प्रमुख प्रशासकीय अधिकृत वसन्त भट्टराई जुं सुभायै देष्यायो द्यूगु खः सा वडाध्यक्ष रबिन्द्र ज्याख्व (९) पाखं नं न्वचु तयो द्यूगु खः ।

ज्या इवः सं मू पाहाँ सांसद सुवालं ख्वप नगर दुनय् मापदण्ड काथं (भवन) छुँ दापिन्ता निर्माण क्वचःगु दसिपौ काय धुं पिन्ता अनुदानया धेबा नपां लय्तपौ लः ल्हाडः दिल । वयकपु खः ख्वप नगरपालिकाया थी थी वडाय् पुं मध्ये वडा नं. १ या कविन्द्र कायष्ठता १,५०,३१६/- तका, वडा नं ३ या मुकुन्द लाल प्रधानाङ्गता ३ लाख तका, वडानं ३ याय् हे सुनिल प्रजापतिता १,४१,२१४/- तका, वडा नं ४ या पूर्ण भक्त ग्वाछता १,६५,४५९/-तका वडा नं ४ याय् हे लक्ष्मी श्वरी कबुता २,४१,२८७/- व वडा नं. ६ या राजेन्द्र अवालता १,७०,५६२/- तका सिँ, अपा व पोलहँ अपाया अनुदान काथं ब्यूगु जुल ।

अथेहे वडा नं ६ या नारायण कृष्ण त्यातता १७०,२५६/- तका, वडायाय् हे कृष्ण बहादुर दुवालता २,९३,३६१/- तका, वडा नं १० या केशव शिल्पकार ता रु- २,८२,२६७/- तका दां अनुदान काथं ब्यूगु जुल । ख्वप नगरपालिकां इडः ब्यूगु मुक्क अनुदानया दां १९ लाख २४ हजार ७७५ तका खः ।



सचिव स्वीखुग्रु ख्वप पौ. बःछि पौ(पाक्षिक)

# ख्वप नगरपालिकाया हिंखुकगु नगरसभा नह्यात

असार ७ जाते



ख्वप नगरपालिकाया प्रमुख नपां हिंखुकगु नगर सभाया नायो सुनिल प्रजापतिया नायो सुई जूगु नगर सभा उलेज्या लिपा च्वंगु थैया औपचारिक बैठक्य् वयकलं ख्वप नगरपालिकाया नगरसभा उलेज्या नपां मार्ग निर्देश याडः द्यम्हा नेपाल मजदुर किसान पार्टीया छ्याङ्जे नपां संघीय सांसद प्रेम सुवाल, महत्वपूर्ण न्वचु तयो द्यूपुं विशिष्ट पाहाँपुं सकलसिता सुभाय देछासे धन्यवाद प्रस्ताव पारित यात ।

## ख्वप नगरपालिकाया आ.व. २०८१/८२ या नीति व ज्या इवः छप्वा म्हुतुं पारित

असार ९ जाते



ख्वप नगरपालिकाया प्रमुख सुनिल प्रजापतिया नायो सुई आइतबार च्वंगु हिंखुकगु नगरसभाया बैठकं वैगु आ.व. २०८१/८२ या नीति व ज्या इवः छप्वा म्हुतुं पारित यात ।

सभासं प्रमुख प्रजापति जुं नीति व ज्या इवः याय् खायঁ न्यंगु न्ह्यसः या लिसः व्यूसे नीति व ज्या इवः धिसिलाक्क छ्यलय्या लागि नगरपालिकां विशेष बः याई धायोदिल ।

उगु छलफल ज्या इवः सं सभासद मञ्जु मैया लाखा, इन्द्रबहादुर प्याथ, तारा देवी शाक्य, हरिरत्न गोखाली, श्याम सुन्दर मातां, सिद्धिराम अवाल, नारायण प्रसाद त्वानाबासु,

पुरुषोत्तम तमखु, कृष्ण गोपाल चौगुठी, कृष्ण नारायण दुमरु, सुर्यप्रसाद श्रेष्ठ, हेरा ख्याजु व गोबिन्द दुवालं ख्वप नगरपालिकापाखं चायक तःगु जनज्योति साफूकुथिता ख्वपया केन्द्रीय पुस्तकालय' काथं हछ्याय् फैगु, नगर दुनय्या मथतय्गु अभिलेखतयो पःत जुयो च्वंगु मथत दाडः जनताया भिं ज्याखय् छ्यलय् फैगु, नगरकोट्या मुहान पोखरीता जलाधार क्षेत्र क्वः छियमःगु, सांस्कृतिक व पुरातात्त्विक महत्व कःघाडः च्वंगु थाय्या अध्ययन व अनुसन्धानया ब्यवस्था याय् मःगु, सहिद स्मृति कासा ख्यः द्यक्तेता विशेष कुतः याय् मःगु, स्वयम सेवक वा करार शिक्षकया व्यवस्था यायगु नीति द्यक्ते मःगु, स्थानीय पुसात ल्यंकः तय्ता बिचः याय् मःगु, नक्सापासया खायँ नागरिक वडापत्र द्यक्ते मःगु, परम्परागत दाफा भजनया धिं धिं बल्ला याय् मःगु, नगरकोट्या लायँ जवं खवं व कमल विनायक प्लानिड्या फलय् ब्लकं सिय मःगु नपां सिमाचा त पिडः वाउँसे च्वंकः तय मःगु, हनुमन्ते खुसी सिथय् करिडोर द्यक्ते मःगु थजगु बिचः प्वंकगु खः ।

नगरसभाया मेगु बैठक सोमबार हिन्य् सिया १:०० ताइलय् च्वनय्गु याडः बैठक स्थगित यात । सोमबारया बैठक्य् ख्वप नगरपालिका आ.व. २०८१/८२ या बजेट पिब्ययगु ज्या भवः दः ।

## ख्वप नगरपालिकाया अनुमानित बजेट २ अर्ब ६६ करोड ४३ लाख

असार १० जाते



ख्वप नगरपालिकाया प्रमुख सुनिल प्रजापतिया नायो सुई च्वंगु हिंखुकगु नगर सभाया बैठक्य् उप प्रमुख रजनी जोशी

सोमवार ख्वप नगरपालिकाया आ.व. २०८१/द२ या अनुमानित बजेट पिछवयो दिल। ख्वप नगरपालिकाया आन्तरिक स्रोत, नेपाल सरकार व वागमती प्रदेश सरकारया थी थी नामय् वैगु अनुदान रकम नपां ऋण त्यायकाय् नपां याडः आ.व. २०८१/द२ या लागिं २ अर्ब ६६ करोड ४३ लाख या बजेट पिछवयो दिल। पिछवगु बजेटया चालु खर्च पाखय् १ अर्ब ५७ करोड ३ लाख १० हजार तका दां अथे धाय् ५८.९३ प्रतिशत व पूँजीगत पाखय् ९९ करोड ४० लाख तका दां अथे धाय् ३७.३० प्रतिशत व वित्तीय व्यवस्था पाखय् १० करोड ५० लाख अथेधाय् ३.७५ प्रतिशत छखय लिइकगु दः।

बजेट्या न्वचु सं शिक्षाया लागाय् ५४ करोड, स्वास्थ्य लागाय् १३ करोड ३० लाख, सम्पदा ल्हवनय कानय् व दानय् नपां सांस्कृतिक ल्यंकः म्वाकः तय्ता १० करोड ७९ लाख, कृषि लागाय् ५ करोड २० लाख, वातावरण (लक्स) व सुकुकुचुखय् १९ करोड ६५ लाख, पर्यटन प्रवर्द्धनया लागिं ६ करोड ९५ लाख, भौतिक पुर्वाधारपाखय् ५७ करोड २१ लाख, कासाखय् ४ करोड ५५ लाख, युवा तथा महिला लक्षित ज्याभूक्वः या लागिं ४ करोड ३० लाख, सामाजिक सुरक्षा पाखय् ४० करोड ५० लाख व थीथी मे मेगु योजनाया लागिं ५ करोड ८५ लाख बजेट छखय लिइकगु दः।

शिक्षापाखय ख्वप विश्वविद्यालय तयारी समितिया लागिं सःस्य पुं विज्ञपिनिगु पुचः निःस्वाड ज्या हज्याकय् मः काथंया बजेट छखय लिइकगु दःसा ख्वप इन्जिनियरिङ्या ‘बी’ ब्लकया न्हूँगु भवन दानय् ता थुगुसी ५ करोड ५० लाख तका छखय लिइकगु दः। नगरपालिका दुनय् चाय्कःतःगु सामुदायिक आधारभूत व मा.वि. तगिं या ब्वनयकुथि भौतिक पुर्वाधार दानय् ता नपां शैक्षिक गुणस्तर च्वजाय्केता अनुदान बियता २ करोड तका बजेट छखय लिइकगु दः। शैक्षिक ऋणता थुगुसी नं मदिकक हज्याकय् ता २ करोड तका बजेट छखय लिइकगु दः। नगरपालिका दुनयया सामुदायिक ब्वनयकुथि ज्या साडः च्वंपुं कर्मचारी पुं व गवाहालीमिपिनिगु लागिं वयकपिसं नयो वयो च्वंगु तलबय ख्वप नगरपालिका पाखं छम्हासिता लच्छया नेव्वतका दां ताडः बियगु व्यवस्था यात।

स्वास्थ्य पाखय ख्वप अस्पतालता अज व्यवस्थित व बालाक यंकय् ता सिटिस्क्यान न्याय् ता चालु आ.ब. खय विनियोजित धेबा बाहेक ५ करोड बजेट व्यवस्था यागु दः। ख्वप नगरपालिका वडा नं १० या बेखाल स्वास्थ्य सेवा केन्द्र व ख्वप नगरपालिका वडा नं ७ खंचा पुखु स्वास्थ्य चौकी दानय् धुकः चाय्केता १

## सचिवत स्वीखुगू ख्वप पौ. बःछि पौ(पाक्षिक)

करोड ५० लाख तका दां छखय लिइकगु खःसा हिं स्वदा व्यवस्था मिसा मस्तय् गु मचा छे जुइगु क्यान्सर विरुद्ध खोप वियता नं बजेट छखय लिइकगु दः।

सम्पदा व संस्कृति ल्यंकःम्याकः तय्ता ख्वप नगरपालिका बडा नं ३ या लायकु पाहाँचै भीगु थःगु मौलिक पहलय दानय् गु ३ करोड ९० लाख व इन्द्रायणी द्योछै या लागिं ८० लाख, वडा नं ४ य च्वंगु लक्ष्मी नरसिं देगःता ८० लाख, हाडा छै या लागिं ६० लाख व वडा नं ६ या छुमा गणेश द्यो छै या लागिं ५० लाख बजेट छखय लिइकगु दः।

कृषि पाखय कृषि सय्कगु अन्त स्वथानय् ता व मियगु बजारीकरणया लागिं वडा नं ८ लिबाली शीत भण्डारणया लागिं ३ करोड १० लाख व वडा नं ५ या तरकारी बजार व्वःचाय्केता ३० लाख व किसान, मजदुर डकःमि, सिंकःमि पुं व पेशाकःमि पिनिगु धलः द्यकः म्हासिइका पौ इडः बियगु व्यवस्था याय् गु नपां कृषि ऋणया लागिं १ करोड तका बजेट छखय लिइकगु दः।

पर्यटन प्रवर्द्धन पाखय देशं दुनय व देशं पिनय्या पर्यटन प्रवर्द्धन याय् गु तातुडः स्थानीय सांस्कृतिक अग्रजपुं पर्यटन व्यवसायीपुं स्थानीय उत्पादनकर्ताता नपां स्वापु दःपुं मुंकः संध्याकालीन सांस्कृतिक पदयात्रा न्ह्याकय् ता नपां धात्यें धात्यें गु थासय मदिकक सांस्कृतिक ब्वज्या याय् गु ब्ववस्था याइगु अलय थुगुसी या आ.व. या काथं छिंगु इलय ‘ख्वप महोत्सव’ याय् ता मःकाथंया व्यवस्था याईगु खाँ दः।

लक्स सुधार व फोहरमैला थासय लाकय् ता १ करोड ३५ लाख व हनुमन्ते खुसी व खासाडखुसुड खुसी सुधार व खुसी सिथ्य रिटेनिड वाल द्यकेगु ह्वाय तयो ज्या सानय् ता १ करोड ५० लाख बजेट छखय लिइकगु दः। भौतिक पूर्वाधार द्यकेगु पाखय नगरया गौरव या योजना काथं हज्याडः च्वंगु ख्वप नगरपालिका वडा नं ६ या देकोचाय् दाडः च्वंगु अरनिको सभा भवन दानय् गु थुगुसीया आ.व. ता १८ करोड, वडा नं ७ या महेश्वरी कासा ख्यः अझ बालकय् ता नपां वडा नं २ या सहिद स्मृति कासा ख्यः या विस्तृत परियोजना प्रतिवेदन ह्यकेता मःकाथं बजेट छखय लिइकागु दः।

अथेहे वडा नं ५ य व्यवस्थित पार्किङ द्यकेता व नगरया थी थी थासय पार्किङ द्यकेता १ करोड तका, ख्वप नगरपालिकापाख न्ह्याकगु देको, मिवा इतापाके जग्गा एकीकरण आयोजनाय ल्य दःगु भौतिक संरचना द्यकेगु ज्या चतारं याय् ता नपां बुथु व म्हँव पित्ता जग्गा लिता विय् गु अलय जग्गा प्रशासन हज्याकय् ता १८ करोड व ख्वप टेलिभिजन न्ह्याकय् ता मःगु जनशक्ति व पूर्वाधार द्यकेता १ करोड बजेट छखय लिइकगु दः।

## सचिव स्वीखुग्रु ख्वप पौ. बःष्टि पौ(पाक्षिक)

जेष्ठ नागरिकपितिन्गु सेवाया लागि वडा नं ६ ख्यू दाडः च्वांगु आदर निकेतन दिवा सेवा न्ह्याकय्ता व मगु जनशक्ति नपां याता १ करोड बजेट छख्यू लिइकगु दः ।

थी थी योजना व ज्याभ्क्व: पाख्यू ख्यू: व सार्वजनिक जग्गा ल्यंकः तय्ता ३० लाख तका, नगरपालिकाता मःगु जग्गा न्याय्ता ५ करोड व जग्गा व छैं बःया लागि ५५ लाख बजेट छख्यू लिइकगु दः ।

नगर सभाया उगु बैठक्यू उपप्रमुख जोशीं ख्वप नगरपालिकाया 'आर्थिक विधेयक २०८१' भक्तपुर नगरपालिकाया विनियोजन विधेयक-२०८१ सभासं पिब्बयो द्यूगु खः । सभां उगु तेगु विधेयकत छलफलया लागि छप्पा महूं स्वीकृत यागु खः ।

नगर सभाया मेगु बैठक असार १२ गते निनय् सिया १:०० ता इलय च्वनिगु धःगु दः ।

### ख्वप नगरपालिकाया आ.व. २०८१/८२ या बजेट्यू छलफल

असार १२



ख्वप नगरपालिकाया आ.व. २०८१/८२ या बजेट्यू विषयसं छलफल ख्वप नगरपालिकायां प्रमुख सुनिल प्रजापतिया नायोसुई च्वांगु बैठक्यू नगरसभासद पिसं थःथःगु विचः प्वंकः दिल ।

बैठकसं नगरप्रमुख प्रजापति जुं नगरसभा नगरया विकास नपां नपां राष्ट्रिय व अन्तर्राष्ट्रिय विषयया छलफल जुझ्गु खाँ व्याकसे स्थानीय तहलय् आ.ब. या असार १० गतेया दुनयाँ बजेट सभायू पेश यायू मःगु उगु बजेट्यू छलफल याडः मथायू ल्हवडः असार मसान्ततकख्यू पारित यायू मःगु कानुनी व्यवस्था दःगु खाँ काडः दिल ।

बैठक्यू गम्हा सभासदपिसं थःथःगु विचः प्वंकसे सभासद रीता फसिकवं ख्वप नगरपालिका वडा नं. ५ या तरकारी बजार्यू बजेट मचः गु नपां बहुउद्दीशीय भवन द्यके दःसा बालाईगु सभासद कृष्ण गोपाल चौगुर्थी नगरपालिकाया आन्तरिक स्रोत अपः द्यकेता व्यवसायीपित्ता कर छुट्याडः व्यवस्था दर्ता याकय्ता प्रेरित यायू मःगु, सभासद राम सुन्दर बासीं वडा बजेट ई काथं अपः तयो यंकयू मःगु, ब्वनय्कुथिया शिक्षकपित्ता इलय् हे तलब नकयू मःगु, लिबाली लागायू बजेट तानयू मःगु, सभासद हरिरत्न गोखालीं ख्वपया काथंछिंगु पुखुली लालाकाय्गु स्यनयगु थायू पक्का यायू मःगु, ल्यासे ल्याम्होपित्ता कुलतयू यंकिपित्ता कावाहीयायू मःगु, सभासद हेरा ख्याजुं लुँ वह नपां तिसा पसःता गहया लिधंसायू कर व्यछिय मःगु, कःसि खेती व नेपाली स द्यकेगु तालिम हकनं बिय मःगु, सभासद राज कुमार शिल्पकारं वडायू बजेट मचःगु, तेखापुखुता लालाकाय्गु स्यनिगु पुखु द्यके मःगु, सभासद श्याम सुन्दर मातां जुं देको मिवा आवास योजना मथां कवचाइथैं च्वांगु खाँ व्याकसे कासाया भौतिक पूर्वाधार विकासया लागि बजेट तानयू मःगु सभासद सूर्यप्रसाद श्रेष्ठ घर मूल्याङ्कन कर व्यवसाय कर हिलः ल्हवनयू मःगु सभासद गोविन्द दुवालं त्वनयगु नाः या लागि बजेट तानय मःगु नपां राजनैतिक दलया नेता, कार्यकर्ता पिसं इमानदार जुयो जनताया सेवा यायू मःगु विचः प्वंक दिल ।

अथेह सभाया विशेष इलय सभासद कल्पना शिल्पकार मञ्जुमैयाँ लाखा, विष्णु केशरी दुवाल, इन्द्र बहादुर प्याथ, राम सुन्दर बासी, कृष्ण लाल किसी, सिद्धिराम अवाल, जितेन्द्र मुनकःमि, नारायण प्रसाद त्वानाबासु, राजकुमार शिल्पकार, कृष्ण सुन्दर प्रजापति व हेरा ख्याजुं नगरया शिक्षा, स्वास्थ्य, सुचुकुचु, सम्पदा ल्यंकः म्वाकः त्यगु, देको मिवा आवास योजना, त्वनयगु नाः या स्थानीय समस्या व मेमेगु समसामयिक राष्ट्रिय अन्तर्राष्ट्रिय विषयसं थःथःगु विचः तयो दिल ।

सभासं न्यांगु न्ह्यसः या लिसः वातावरण समितिया कजि रविन्द्र ज्याख्वः, शिक्षा, संस्कृति स्वास्थ्य समितिया दुजः योगेन्द्र मान बिजुक्लै, निर्माण समितिया कजि उकेश कवाँ, देको मिवा आवास योजनाया खायू वडा नं. २ या वडाध्यक्ष हरिप्रसाद वासुकलां बियो दिल ।

नगरसभाया मेगु बैठक असार १४ गते शुक्रबार ३ बजे च्वनयगु खाँ व्यछित ।

## थी थी थासय स्वः भाल



ख्वप नगरपालिकाया प्रमुख सुनिल प्रजापति जुं ख्वपया कला, संस्कृति सम्पदा नपां रहन सहनया विषयलय् किपालुमि (फोटोग्राफर) सुरेश राज शाक्य जुं कायो द्यूगु भीगु ख्वप किपा ब्वज्या असार १ गते स्वः भाल ।



ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं ६ चोछैं छुम: गणेद्योया द्यो छैं पोल्हैं चिडः चं थाय् भायो असार ७ गते स्वयो दिल ।



ख्वप नगरपालिकाया प्रमुख सुनिल प्रजापति जुं गरिबी निवारणया लागिं लघु उद्यम विकास ज्याभक्वः (मडेया) पाख्यया ख्वप नगरपालिकाय् न्ह्याकगु आधारभूत बेकरी सीप विकास, मखमली लकां द्यकगु व पेपर रिसाइक्लिङ् तालिम असार ११ गते स्व भाल ।

## सचिष्ठ स्वीखुगू ख्वप पौ. बःष्टि पौ(पाक्षिक) घालाँ रुसी फल्चा उलेज्या

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं. १ वडा कार्यालयया रवसालय सल्लाधारी चवंगु धाँला खुसी फल्चा दानय् धुंक असार द गते उलेज्या याडः दिसे पुलांगु फल्चा, ध्वाका, ल्वहँहिति थजगु सम्पदात भीगु मौलिक शैलीख्य दानय् फःसा पर्यटक लागाय् ध्वासा जुझुगुलिं नगरपालिकां हदाय तयो ज्या साडः वगु नपां उगु खाँ निर्वाचन घोषणा पत्र काथं ज्या साडागु अः ख्वप विश्व विद्यालय निः स्वानय्ता छुं छुं ज्या न्ह्याकय् ताडागु खाँ ब्याकः से ख्वपय् आम्दानीया लुखा पर्यटन याय् फैगु खाँ अः द्वाहैं वयो चवंपुं देशं दुनय् व देशं पिनय्या पर्यटक पिनि पाखं धाय्फः धायोदिल ।



वडा नं. १ या वडाध्यक्ष श्याम कृष्ण खत्री जुं वडाया विकास निर्माणया खाँ काडः दिसे पुलांगु गल्ली फुक्क ल्वहँतं सिय धुंगु खाँ काडः दिल । उगु ज्या इवःसं समाजसेवी कृष्ण बहादुर दुगुजु, वडा नं. १ या वडाया दुजः सुर्यप्रसाद श्रेष्ठ व महिला वडाया दुजः कल्पना शिल्पकार पिसं न्वचु तयो द्यूगु खःसा उपभोक्ता समितिया दां भारी रमेह कोजुं फल्चा दयकगुया दां भारीया ल्याचा पिढवयो दिल ।

उगु फल्चाया लागत इस्टिमेट २५ लाख दःगुलि मुक्क १५ लाख ९९ हजार व च्यास दामय् दानय् धुंकगु खः । ज्या इवः धुंक उकिया चाकलीं सिमाचा पिगु खः ।

## बिदाइ ज्या भवः

वागीश्वरी मा.वि. पाखं अनिवार्य अवकाश कायो द्यूम्हा प्रधानाध्यापक कृष्ण प्रसाद धन्छाता ख्वप नगरपालिकाया प्रमुख सुनिल प्रजापति जुं हनापौ बियो विदाइ व निमित्त प्र.अ. काथं कृष्ण प्रसाद कर्माचार्यता नियुक्ति पत्र लः ल्हाडः दिल । वयकलं वागीश्वरी मा.वि. देयाय् हे उत्कृष्ट सामुदायिक विद्यालय जुय फःगु गौरवया खाँ खः थव समुदायया लिधंसाय् चाय्कः तःगु ब्वनय्कुथि खः धायो दिल । सभा विद्यालय व्यवस्थापन समितिया नायो वडाध्यक्ष रविन्द्र ज्याख्व(९) या नायो सुई जूगु खः ।

## छुमैं गणेशोया धोखें प्वलहैं च्यूथाय् निरीक्षण

(२०८९ असार ७ गते)



## धालौं खुसीया फल्या उलेज्या

(२०८९ असार ८ गते)



ख्वप इंजिनियरिङ कलेज अर्थक्यूङ्क व अर्बन डिजाइनया

न्हूँपुं ब्वनामिपिन्ता लसकुस

(२०८१ असार २ गते)



ख्वप नगरपालिकाया नीति व ज्या इवः छपा मृहूतुं पारित

(२०८१ असार १० गते)

